

ANTONII ARNALDI

DOCTORIS ET SOCIJ SORBONICI

APOLOGETICVS ALTER,

*Ad Sacram Theologia Facultatem
Parisiensem.*



APOLOGETICO scripto ad loci vnius, qui in Epistolâ meâ notatus fuerat, doctrinam illustrandam ac defendendam ad vos misso, VIRI SAPIENTISSIMI, existimaui fore, quod & in huiusmodi fieri solet, vt Epistolæ meæ reprehensores, si à me dictis minùs assentirentur, rationes certè meas rationibus coarguere, & SS. Patrum testimonia à me allata vel aliter exponere, vel aliis impug-
nare, vel quoquomodo diluere, atque infirmare studerent.

Nunc verò aliud eos consilij cœpisse, aliam planè viam instituisse accipio. Omis-
sis enim quæ tractanda potissimùm & excutienda erant, nec scripturarum oracula à me representata aduertere, nec sanctissimorum Ecclesiæ Doctorum placita attendere, ne dum perpendere dignati sunt. Quin & doctrinæ meæ argumenta à me producta, ipsi subterfugia appellare contenti, alia planè siluerunt, alia leuiter tantùm perstrinxerunt, & à re quâ de agitur, ad aliena digressi sunt.

Vt igitur eundem Epistolæ meæ locum de integro tuear, tria hîc faciam. Primùm quidem commemoratis iis quæ illi vix, aut ne vix quidem attingenda putarunt, aperiam ea, quæ vt vera & orthodoxa sponte confessi sunt. Deinde ex iis quæ vel silentio suo sibi ineluctabilia declarauêre, vel suâ sponte concessêre, ea quæ negant; certissimè consequi, planum facere ac demonstrare conabor. Denique locum illustrem Cardinalis Bellarmini de præceptorum impossibilitate per Tridentinam Synodum damnatâ, quem à me in priori scripto citatum Inquisitores falsi arguerunt, ab eorum reprehensione vindicabo.

SECTIO PRIMA.

Qua à Disquisitoribus vel de industriâ prætermiffa sunt, vel leuiter perstricta, vel vltro concessa, recensentur.

OBSERVATIO I.

Propositionem in indiculo notatam, non meam esse sed Chrysostomi & Augustini; & eam quidem ex illorum non sensibus modò sed & verbis ipsis expressam, priori meo scripto liquidò demonstrauit. Reprehensores autem mei cum à me rogati essent, vt quâ in re sententia mea quam inculpant, à Chrysostomi & Augustini sententiâ discreparet, aperire dignarentur, solum mihi silentium opposuerunt, ac de re tantâ in quâ quæstionis cardo vertitur tacere compulsi sunt. Norant videlicet ea quæ planè similia sunt, se se dissimilia efficere non posse, nec in iis tergiversationi locû esse, quæ per se splendidissima sunt, atque oculorum ipsorum testimonio explorantur. Conferantur enim hæc tria inter se Epistolæ meæ loca, & ipsi oculi iudicent num inter illa quicquam discriminis sit.

Augustinus in Epistola laudatus, pag. 220.

Qu'est-ce que l'homme SANS LA GRACE de Dieu, sinon ce que fut S. Pierre lors qu'il renouça I. CHRIST. Et c'est pour cette raison que N. Seigneur abandonna S. Pierre pour vn peu de temps, afin que tous les hommes pûssent reconnoître par son exemple: QV'ILS NE PEUVENT RIEN SANS LA GRACE DE DIEU.

Chrysostomus in Epistola laudatus, pag. 226.

La cheute de S. Pierre ne luy arriua pas pour auoir esté froid enuers I. CHRIST: mais parce que LA GRACE LUY MANQVA. Elle ne luy arriua pas tant par sa negligence, que parce que Dieu l'auoit abandonné pour luy apprendre à ne s'élever pas au dessus de l'infirmité humaine, & pour faire connoître aux autres Apostres: QV'E SANS DIEU L'ON NE PEUT RIEN.

Autur Epistola hac eadem Patrum illorum verba repetens, pag. 226.

Les Petes nous montrent vn iuste en la personne de S. Pierre, à qui LA GRACE SANS LA QUELLE ON NE PEUT RIEN A MAN-

QV'E.

OBSERVATIO II.

Quis in sensus horum Epistolæ meæ verborum; *La grace sans laquelle on ne peut rien*, quamque ex iis colligi minimè possit, Petrum omnis omnino gratiæ quâ quicquam posset, expertem fuisse, iam cuius,

quantum opinor manifestissimum est. Luculenter enim ostendi, cum de gratia loquens post Chrysostomum & Augustinum, epitheti vice subjungo; *Gratia sine qua nihil possumus*, exprimere me quod à Christo dictum est; *Sine me nihil potestis facere*; & quod à Cælestino Pontifice in Epistola ad Gallos cap. 7. *Quia per illum aliquid possumus, sine quo nihil possumus*: Has verò loquendi formulas cum pro subiecta materia intelligi debere nemo nesciat; neque hic de quavis gratia disputem, sed de illa tantum gratia efficaci quæ Petro necessaria erat, ut ex vero pietatis affectu tam grauem tentationem superare cum effectu posset; cum de illo dico post Chrysostomum, defuisse ei gratiam sine qua nihil possumus, obuium & planum propositionis meæ sensum esse; defuisse ei gratiam illam, sine qua nihil poterat, quod ad vincendam reipsa tentationem illam attinet.

Facile enim videre est, iis in verbis inuolutam eiusmodi argumentationem latere. Sine gratia, teste Christo, nihil possumus: At ex Chrysostomo, Augustino, cæterisque Patribus; Gratia Petro in tentatione defuit; ergo Petrus sibi ipsi relictus tentationem superare non potuit; siue ut ait Hilarius, *Confessionis non potuit tenere constantiam*. Quemadmodum si quis ita loqueretur: Christo confortante me, in quo secundum Apostolum, *omnia possumus*, ab illa me tentatione expediui; nemo sanus inde concluderet, eum qui sic loqueretur, quidvis agendi potestatem sibi arrogauisse, sed tantum illam tentationem superandi, eoque illum argumento usum. Omnia teste Paulo in eo possumus qui nos confortat. At in illa tentatione Christus me confortauit; ergo illius ope ab eâ me tentatione expedire potui.

Non igitur alia mihi mens sine calumniâ affingi potest; neque aliud quicquam ex verbis Chrysostomi & Augustini à me relatis concludi, quam quod me significare voluisse professus sum; Petrum scilicet cum efficaci gratia præsidio in tentatione caruerit, viribus etiam ad tentationem superandam idoneis caruisse; adeoque discipulum illum cum tunc esset infirmior, Dominum suum usque ad mortem sequi non potuisse. Quæ quidem sententia, ut iam dixi, Christi sententiæ adstipulatur, ipsiusque & verbis & sensui planè consentit, cum Petrum suæ infirmitatis admonens ait: *Non potes me sequi modo*.

OBSERVATIO III.

Adeo planam & expeditam propositionis meæ, explicationem leui certè machina inquisitores impugnauerunt: Omni prorsus gratia Petrum me spoliare contendunt, seque id probare aiunt ex antecedentibus, ubi de infidelibus & exccæcatis disputo, quos omni gratia destitutos fuisse existimo. Sed quis non miretur adeo insolitam argumentandi rationem? Vbi de infidelibus ago, nullam prorsus in iis veram Christi gratiam agnosco. Fateor; neque id mirum cum ab Augustino cæterisque Patribus didicerim gratiam Dei per Christum piis & impiis fidelibus & infidelibus minimè esse communem. Ergo idem de Petro fidei, pio, iusto sentio, cum ei post Chrysostomum eam gratiam in tentatione de-

fuisse aiosine quā nihil possumus. Quis viros graues ita differere posse existimaret; Quis enim nesciat vitium esse in ratiocinando vel maximum, cum quis ex vno genere transit ad alterum, quodque in vno, eoque diuerso valet; hoc ipso valere etiam contendat in altero.

Sed ad vnum, inquit, eundemque scopum vniuersa illa conspirant; Neque id nego, sed sua quodque ratione. Hoc nempe Annati pronuntia-
tū quod pro Catholico dogmate veditabat oppugnandum susceperam: *Que la grâce intérieure qui est nécessaire à nostre volonté, afin qu'elle puisse vouloir ce que Dieu exige d'elle; ne luy manque iamais dans l'occasion où elle pèche.* Huc igitur tendit quicquid vel infidelibus, vel exccatis, vel de iudæis, vel etiam de iustis dixi, neque aliud ex omnibus illis exemplis colligi volui, quā falsum esse quod tam audacter Annatus affirmauerat, neque negari posse, quin desit nonnumquam homini ex gratiā quā possit facere quod Deus lubet in eā ipsā occasione in quā peccat. Atqui nemo non videt ad id probandum nequaquam requiri vt Petrus omnis omnino gratiæ expertus fuerit, sed solum vt in eā occasione in quā peccauit, eius gratiæ expertus fuerit, sine quā tentationem superare non poterat.

Quare Inquisitorum illa reprehensio, iustam mihi de iis expositulandi materiam præbet. Iam enim video quo consilio propositionem meam murilauerint, & ab illā ea rescuerint quæ continenter, & ne quidem villo commate interposito attexta clarissimè ostendebant, quæ de Petro dixi, ad vnam illam Annati sententiam, quam ipsi tutari ausi non sunt, euertendam referri, non autem ad vllum dogma stabilendum, multò minùs ad damnatum ab Innocentio Propositionum, quas & ipse me toties damnare professus sum, primam defendendam, quod tamen mihi per calumniam tam apertè iniquam affingere non dubitant. En integer Epistolæ meæ locus. *Cependant, Monseigneur, cette grande vérité est établie par l'Evangile & attestée par les Peres, qui nous montre un iuste en la personne de S. Pierre, à qui la grâce sans laquelle on ne peut rien, a manqué dans une occasion où l'on ne peut pas dire qu'il n'ait point péché, est deuenue tout d'un coup l'herésie de Caluin si nous en croyons les disciples de Molina qui ne craignent point de dire; Que ce point, sçauoir que la grâce intérieure ne manque iamais à l'homme dans toutes les occasions où il ne peut faire sans son aide ce que Dieu commande, est un de ceux dont generalement tous les Theologiens Catholiques tombent d'accord, & qui ne sont contestez que par les Caluinistes.*

Quo consilio in indiculo suo post hæc verba subliterint, les disciples de Molina, neque sequentia addiderint, ipsi iam manifestum fecere; vt scilicet in alienos sensus propositionem meam facilius traherent, cum si integram illam exhibuissent, nemo non vidisset, quod de Petro omnis omnino gratiæ expertū mihi adscribunt, à proposito meo alienissimum fuisse, cum aduersus Annatum id vnum contenderem, Petrum in eā occasione in quā peccauit, eā gratiā fuisse destitutum, per quam tentationem illam superare posset.

Quod si ex antecedentibus mentem meam expiscari lubebat, quanto potius attendere debuissent quod de ipso Petro dixi, p. 218. *Si on est obligé de croire que S. Pierre qui estoit insé, estant tenu par la fragilité de la mort, a eu par des mouvements intérieurs & actuels, TOUTE LA GRACE QUI LUY ESTOIT NECESSAIRE, pour pouvoir vaincre cette tentation, & suivre LESVS-CHRIST jusqu'à la mort, quoy que LESVS-CHRIST qui est la vérité même luy eust déclaré, Qu'il ne pouvoit alors le confesser & mourir pour luy; Non potes me modo sequi.*

Nonne hic locus euidenter demonstrat, non mihi mentem fuisse, eam de Petri lapsu loquor, omnem omnino gratiam etiam actualement & interiorem ab illo amouere, sed tantummodo aduersus Annatum ostendere, non omnem Petro in illâ tentatione gratiam adfuisse quæ ipsi necessaria erat ut tentationem superare posset. *Qu'il n'auoit pas alors TOUTE LA GRACE qui luy estoit nécessaire pour pouvoir vaincre cette tentation.*

Constat ergo, & ex ipsâ verborum meorum serie ac tenore clarissimè liquet, hunc vnum & germanum esse orationis meæ sensum: alterum autem qui mihi affingitur, in eam non nisi aliunde per calumniam accersitum inuehi posse.

OBSERVATIO IV.

Cum in meâ propositione ad hunc modum exposita nihil esse docuerim quod à SS. Patribus traditum non sit, Inquireretur erat ad hæc tot & tanta SS. Patrum testimonia respondere, si censuram suam tueri vellet. Quod cum non fecerint, sed ne tentauerint quidem, ut qui ea clariora esse perspicerent, quàm ut vllis nebulis possent obscurari, pro confesso iterum habendum est, eam illos Propositionem hæreseos notare, quæ certam & exploratam apud SS. Patres & autores omnes Catholicos doctrinam complectatur. Quod quale sit, & quàm Christianæ fidei exitiale, nemo scienter pius aut piè sciens est, ut Augustini verbis utar, quicum dolore & gemitu non perspiciat.

OBSERVATIO V.

Inter cætera verò maximè obseruandum est, ante scripti mei editionem reprehenses Epistolæ præcipuum accusationis suæ firmamentum in eo collocasse, quod iustum in Petro demonstrari dixerim cui gratia defuerit, cum contra illi summâ animi contentione affirmarent, Petrum, antequam tentaretur, à iustitiâ excidisse, ut qui se tribus criminibus antea obstrinxisset. Vbi verò tertia hæc propositionis meæ pars ita solidè confirmata est, & omnis generis testimoniorum vi roborata, ut nullus iam cauillationi locus superesset; ex eo magna illa quam antea præ se ferebat de Petri criminibus designandis confidentia iacuit repente & obmutuit. Veriti sunt enim, ne qui Petri successoris Constitutionem tuendam suscepisse existimari voluit, si in leuioribus Petri culpis horrendas prolapsiones & immania quædam scelera imminisci pergerent; Magdebutgensium, Ecclesiæ & Apostolicæ sedis hostium, improuidam temeritatem æmulari viderentur.

Vnus tantum ex iis inuentus est, qui Petri, ut me premeret, depri-

mendi non omnino abiecto consilio, duobus me Ioannis locis fraudulentè abusum fuisse criminatus est. *In priori enim*, inquit, *Christus Apostolos quidem mundos vocat, sed ante presumptionem Petri; in posteriori autem mundos vocat, sed solius fidei munditiâ.* Verùm quòd in priori illo loco fraudulentia me coarguit, quasi quòd Christum ante presumptionem Petri dixerit, post eam dictum significare voluerim, ab eius reprehensione ad oculorum omnium latine modò scientium fidele testimonium prouoco. Idèd enim vt ex solâ verborum meorum lectione clarissimum est, prioris illius loci in quo ante illam Petri iactantiam Apostoli mundi dicuntur, mentionem feci, vt altero mox citato in quo post illam Petri præfidentia culpam, Apostoli nihilominus mundi pronuntiantur, quam Petro primùm vt ceteris Apostolis munditiam Christus attribuerat, eam etiam post leuiorem illam culpam perseuerasse in eo, & ab eodem Christo commendatam fuisse probarem. Idèd in secundo loco commemorando hæc verba de industriâ apposui: *Postquàm Petrustribus vi volunt se criminibus obstrinxisset, imò & reliqui Apostoli mortale etiam facinus admisissent, si illis fides est*; igitur ex toto orationis meæ contextu, hæc mea, mens hæc argumentatio perspicuè elucet. Christus Petrum & Apostolos ante nimiam illam confidentiam mundos dicit, eosdem post illam mundos de integro pronuntiat. Priorem igitur munditiâ subsequens quæ adeò grauis fingitur culpa non sustulit, cùm eam ipsam postquàm admissa est, eiusdem munditiæ repetita testificatio subsecuta sit.

Quòd autem ait hunc secundum Christi locum de solâ fidei munditiâ explicari debere, si de fide mortuâ id intelligat, quasi Petrus & reliqui Apostoli charitatem quam antea habuerant, nimia suâ præfidentia iam amisissent; Christum ipse mentem suam minimè sic exponi sinit, cùm ibidem addat. *Manete in me, & ego in vobis; Ego sum vitis, vos palmites. Manete in dilectione meâ. Ego vos dixi amicos, &c.* Quæ quidem omnia planissimè demonstrant abscisso Iudæa palmitè infrugifero; reliquos Apostolos, Christo veræ viti, tamquam viuos palmites iunctos fuisse, neque per solam fidem mortuam, sed etiam per dilectionem, & charitatem, licet minus perfectam & multùm illi imparè, quæ ipsis postea per aduentum Spiritus sancti conferenda erat.

Sed ab istâ interpretatione si minùs ob aliorum, præceptoris certè sui Doctoris Angelici, & clarissimi inter suos Cardinalis Cajetani auctoritate deterteri debuit: Quorum alter Petrum, cùm negauit Christum, *charitatem amisisse*, quam proinde habebat; & eam citò recuperasse discretè asserit: Alter vero, *Petrum idèd cecidisse. & perdidisse charitatis gratiam, quia Deus eum reliquerat sibi ipsi prædito charitatis & gratia habituali.*

His testimoniis addi potest eximius Augustini locus, qui iustum labentem in Petri Christum negantis personâ demonstrari, iisdem planè, quibus in Epistolâ meâ vsus sum verbis expressit. *Tunc latro confitebatur, ait, quando Petrus turbabatur. Tunc iste agnouit, quando ille negauit: Sed numquid quia Dominus acquisiuit latronem, Petrum perdidit negatorem? Absit*

D. Thom.
2. 2. q. 14.
art. 11.
Cajet. in
Mat. p. 26.

De symbol.
ad catech.
hæc. 6.

Agebat mysterium qui fundebat pretium, IN PETRO DEMONSTRANS NON IN SE QVEMQVAM IVSTVM debere presumere; in latrone nullum impium conuersum posse perire, Timeat bonus, ne poreat per superbiam (quæ scilicet in causâ sit, cur Dei gratiâ non adiutus in peccatum ruat, vti Petro contigit) non desperet malus de multâ malitiâ.

OBSERVATIO VI.

Etli fundatissima Augustini de gratiâ doctrina, quam Romana Ecclesia presules, presulumque conuentus aliorum, ratam & catholicam esse iudicant, vt fateretur etiam Iesuita Petauius, satis ipsa se grauissimâ Ecclesiæ autoritate tueatur, gratulandum tamen Inquisitoribus nostris, quod eam ipsi vltro agnouerint ab omni erroris suspitione liberam, imò & se gaudere dixerint, quod etiam S. Augustini doctrina securè dormiat inter medios clericos, & surta testaque sit, & quod habuerit Innocentium I. quarto seculo (s. dicere debuerunt) sui defensorem; Innocentium autem X. hoc seculo vindicem à V. viclephi & Lutheri heresi. Fixum ergo ratumque sit Inquisitoribus ipsis annuentibus, quod ab Augustino positum & decretum esse constiterit, nulli censuræ obnoxium esse posse.

Petau. Dig. Theol. To. 1. lib. 9. c. 6.

OBSERVATIO VII.

Neque minùs honorificè de S. Thomæ doctrinâ locuti sunt. Agnouerunt enim cum Patre Annato, quæ à sancti Thomæ discipulis de diuinâ gratiâ hætenus tradita sunt, per pontificiam Constitutionem minime esse damnata; neque minùs quam antea cuius ea tueri liberum esse.

OBSERVATIO VIII.

Vltro etiam professi sunt optimam eam esse doctrinam, quæ cum Augustino sanctisque Patribus, & vniuersâ S. Thomæ scholâ, victricem, & per se efficacem Christi gratiam ad singulos pietatis actus necessariam esse contendit.

OBSERVATIO IX.

Nec abnuerunt etiam erroris omnis expertem esse eorum sententiam; qui post Augustinum, teste ipso D. Pereiret, Iudæos ad vetus testamentum pertinentes, exæcatos, induratos, infideles omni gratiâ carere affirmant. Hæc enim *problematicè in scholis disputari*, primus illorum Inquisitorum disertè agnouit.

OBSERVATIO X.

Cùm ad Theses in priori scripto laudatas quarum altera à D. Hallier, altera à D. Grandin tum Syndicis subscriptæ sunt & approbatæ, nihil Inquisitores reposuerint; manifestum omnibus esse debet, doctrinam in iis contentam, & in Sorbonâ publicè propugnatam, ab omni erroris aut hæreseos suspitione liberam esse: ex quâ quid conficiatur; postea, videbimus.

OBSERVATIO XI.

Quæ autem hîc animaduertenda notauimus, ex Doctissimis Cardinalis Perronij duabus eximiis, & ad diiudicandas fidei controuersias perutilibus regulis concludere libet. Prima hæc est: *Vt doctrina aliqua*

Card. Perr. in Epist. ad Cesaubon. Obseru. 6.

SS. Patribus pro Catholica & orthodoxa vniuersim tradita esse dicatur;

eam in omnibus Patrum monumentis reperiri minimè necesse est. Neque enim omnes scripsere de omnibus, nec omnium ad nos scripta pervenire: verum doctrina alicuius pro catholica habenda id erit certissimum indicium, cum regionis cuiusque clarissimi Patres ad confirmandam eam consentiant; nec quisquam nisi deterioris ac suspectioris nota ab eâ dissenserit. Sic B. Augustinus adversus Pelagianos, undecim; Sic synodus Ephesina adversus Nestorium, decem Patribusisque illustribus in doctrinam unam conspirantibus in medium adductis, uniuersæ Ecclesiæ fidem communem, & prioris aui consensum sese representasse indicauit. Igitur quod à magni nominis Patribus, in variis Christiani orbis regionibus ita assertum fuerit, ut nemo nisi notatus ab Ecclesiâ dissenserit, id pro uniuersâ & catholicâ doctrinâ habeatur oportet. Hæcenus Perronius.

OBSERVATIO XII.

Ibid. in fine Epist.

Altera est eiusdem Cardinalis regula quam aduersus heterodoxos Ecclesiæ Catholice nomine his verbis proponit. Sancti Patres locis iis quæ ad tuendam doctrinam nostram proferimus, quod nos asserimus discretè asserunt; locum verò quo id quod docemus discretè negent, aduersarij nostri ne unum quidem asserre possunt. Verùm ex alijs locis, aliqua tantum velut conspectanea inferunt, quæ apud æquum tribunal ne quidem audienda putarentur. Quis enim non videat quàm sit iniquum, ut expressus Patrum perspicuæque sententias, ijs quæ à nonnullis eorum vocibus perperam intellectis & expositis per consecutionem colligantur, euertere studeas; cum in eiusmodi argumentandi genere paralogismus & fucus aliquis plerumque lateat. Valer id quidem ut sanctos illos Doctores reos peragas, & quasi incautos in disputando, atque à se ipsis discrepantes incuses, non autem ut eos pro iudicibus, eorumque placita pro ratis & inuiolatis habeas.

SECTIO II.

Propositio in Indiculo notata, omnis erroris ac hærescos expers demonstratur.

PRæmissis iis quæ Disquisitores vel tacitè vel expressè, hoc est vel nihil obloquendo, vel sponte confitendo pro veris & catholicis habenda declararunt; iam propositionem quam notant, omni vel erroris vel hæresos suspicione vacare, multis & iis quidem clarissimis, ni fallor, atque inuictissimis argumentis demonstratur.

PRIMA DEMONSTRATIO.

Ex eo petita quod propositio non sit Auctoris Epistola, sed Chrysostomi & Augustini.

Qui scriptorem Theologum eo tantum nomine hærescos accusant, quod primariorum Ecclesiæ Doctorum sententiam ipsorum verbis sincerè ac fideliter retulerit, neque causari possunt sententiam illam ab exscriptore vel in verbis vel in sensu corruptam fuisse, non in alios quàm in ipsos

ipſos Eccleſiæ Catholicæ Magiſtros cenſuræ ſuæ fulmen intorquent.

Luce autem clarius conſtat Propositionē, quam damnamam inquiſitores ſuſcepere, non meam eſſe ſed Auguſtini & Chryſoſtomi, ut in priori ſcripto ita maniſeſtè demonſtratum eſt, ut contrarium adſtruere ne tentauerint quidem reprehenſores mei.

Ergo non me, ſed ipſa Eccleſiæ lumina hæreſeos damnare moliantur. Quā autoritate, ipſi viderint. *Ego cerſe, ut inuiſtiſſimi olim gratiæ deſenſoris verbis utar, me in hoc periculo mittere omnino non audeo, quia cum tantis, ac tam ſanctis viris, non rixam ſed pacem, & qualemcumque partem habere deſidero.*

SECUNDA DEMONSTRATIO.

Ex communi Patrum doctrinā.

A Concilio Tridentino ſeſſ. 4. grauiffimè prohibetur, *ne quis contra unanimem conſenſum patrum ipſam ſcripturam ſacram interpretari audeat.* Ex certiffimā verò Perronij regulā de quā ſuperius egimus, ſatis magnum eſt unanimis Patrum conſenſus argumentum, cum præcipui e patribus in regionibus diſſiſis doctrinam aliquam tradunt, neque ullus alicuius in Eccleſiā autoritatis contrarium ſenſit.

Cæſar. A.
rel. in cauſa
Contumelioſi in Cæſ.
Gall. Tom.

P. 235.
ſeſſ. 1.
An. 11.

At in priori ſcripto liquidò demonſtratum eſt, præcipuos e Patribus Orientalis & Occidentalis Eccleſiæ dum ſcripturas de Petri lapſu interpretantur, diſertè docere; *Petrum in illā tentatione ſibi ipſi relictum fuiſſe, humana traditum eſſe puſillanimitati; diuino ſibi ſubtracto auxilio cecidiſſe; Domino faciem ab illo auerrente fuiſſe turbatum; diuinam gratiam ad breue tempus illum deſeruſſe; caſum illius non frigidityte; ſed ſuperni auxilij derelictu contigiſſe; reſponſionis non potuiſſe tenere conſtantiam; non potuiſſe verum teſtimonium perhibere; experientia cognouiſſe nihil eſſe dilectionem ſuam ſine gratiā diuinā; expertum eſſe quòd abſque Deo nihil poteſt fieri; timore ſuo oſendiſſe quid homo poſſit ſine gratiā diuinā; in illo totum genus hominum agnouifſe, nihil ſe ſine Dei gratiā proualere; & plurima huiusmodi. Neque vllum e Patribus aduerſarij vel proferunt vel proferre poſſunt qui contrarium docuerit.*

V Apolog.
1. ſeſſ. 3.

Non poteſt igitur illa doctrina ſine inſigni temeritate & aperto Tridentini Concilij contemptu hæreſeos inſimulari.

TERTIA DEMONSTRATIO.

Ex autoritate ſancti Thomæ.

Cum doctrinam in B. Thomæ ſcholis traditam ab omni erroris ſuſpitione reprehenſores mei liberauerint, concludo ego & ni fallor euidentiffimè demonſtro; quod in me arguunt, omnis erroris experti ipſorum iudicio eſſe debere, cum ab ipſo D. Thomæ apertè traditum ſit.

Si de auxilio efficaci dictum à Chriſto eſt ſine me nihil poteſtis facere, cum nemo inſiciari poſſit deſuiſſe tum Petro, cum à tentatione victus eſt, auxilium Dei efficax quo illam vinceret; nemo etiam negare poteſt, quin verè & catholicè à Chryſoſtomo & Auguſtino me referente dictum fuerit, deſuiſſe tum Petro gratiam ſine quā nihil poſſumus.

At diſertè docet S. Thomas de *motione diuinā*, ſeu *auxilio Dei in-*

rius mouentis. Quod efficax esse, & effectum illum infallibiliter habere, ad quem à Deo ordinatur, perpetuò docet. Vt 1. 1. q. 112. a. 3. Et q. 10. art. 4. ad 3. Et in quæst. disputat. qu. 6. de Elect. hum. ad 3. De illâ in-
 Preparatio gratiæ con-
 siderari po-
 test secun-
 dum quod
 est à Deo
 mouente, &

habet necessitatem ad id ad quod ordinatur à Deo, non quidem coactionis, sed infallibilitatis, quia intentio Dei deficere non potest secundum quod Augustinus dicit lib. de Prædest. 68. Quod per beneficia Dei certissimè liberantur quicumque liberantur; Vnde si ex intentione Dei mouentis est, ut homo cuius cor mouet, gratiam consequatur, infallibiliter ipsam consequitur, secundum illud Ioan. 6. Omnis qui audiuit & didicit venit ad me. 1. 2. q. 112. a. 1. c.

Dicendum quod si Deus mouet voluntatem ad aliquid, impossibile est huic positioni, quod voluntas ad illud non moueatur, non tamen est impossibile simpliciter. Vnde non sequitur quod voluntas à Deo ex necessitate moueatur. 1. 2. q. 10. a. 4. ad 3.

Deus immutabiliter mouet voluntatem propter efficaciam virtutis mouentis, quæ deficere non potest. Jn qq. Disp. q. 6. De Elect. hum. ad 3.

Ergo verè & catholicè secundum D. Thomam à me dictum est post Chrylost. & August. Gratiam sine quâ nihil possumus Petro defuisse; etsi nihil aliud iis verbis Patres illi significare voluerint, ut antea notauimus, quàm defuisse tum Petro efficacem illam & singularem Christi gratiam sine quâ tam grauem tentationem superare non poterat, quia nihil homo potest nisi à Deo moueatur.

QUARTA DEMONSTRATIO.

Ex possibilitate preceptorum per illam propositionem minime lesâ,

Cùm par fuisset ut inquisitores ad luculentissima Patrum testimonia responderent, ipsi contra ad petuagata & à proposito aliena eorumdem Patrum de possibilitate preceptorum loca digressi sunt; sed quam irritò conatu, ex superius posita Doctissimi Perronij regulâ facilè demonstrare est.

Cùm enim Patres disertè multisque in locis aliquid asserunt, qui contrarium eis asserere velit, alia loca proferat necesse est quibus disertè illud negetur. Sin verò ea tantùm testimonia afferat, è quibus per fallaces confutationes elicere tentet quod Patrum sententiis claris ipsorumque verbis expressum conuellat, apud æquum tribunal ne audientis quidem esset, inquit eruditissimus Cardinalis.

Sic se res habet in præsentī negotio. Plurima loca SS. Patrum attuli in quibus quod ego assero disertè asserunt: *Petrus nempe gratiâ destitutus non potuisse verum testimonium perhibere.* Quid contra aduersarij? An vel eorumdem vel aliorum Patrum testimonia proferunt, quibus contra affirmetur Petrum à Deo minimè desertum fuisse, sed diuinæ gratiæ fulguris præsidio se ad mortem pro Christo subeundam offerre potuisse? Ne vnum quidem. Quid igitur? Quod SS. Patres docent de mandatorum diuinorum possibilitate, ad id valere volunt, ut quod disertè iidem Patres pronuntiant de Petro gratiâ destituto, hæreticum censeatur. Hòccine tolerandum argumentandi genus, vel apud æquum tribunal audien-

dum? Imò quis non videat sano quemque iudicio præditum sic contra argumentari debere.

Iidem Patres qui docent Deum nemini impossibilia præcipere, docent Petrum à Deo desertum ceteris hominibus documento fuisse, nihil se sine diuinâ gratiâ præualere. Nisi ergo sapientissimos illos viros pro stultissimis habeas qui à se ipsis turpiter dissentirent, duo illa de mandatorum possibilitate & Petri desertione, pro dissentaneis habere non potes; nec nisi per calumniam quod Patres de priori dixerint, eò trahere, ut quod iidem de posteriori dixerunt, hæreseos accuses.

QVINTA DEMONSTRATIO.

Ex eo quòd Inquisitores fassi sunt problematicè in scholis disputari an infideles omni prorsus gratiâ careant,

Omnia veterum patrum de præceptorum possibilitate testimonia quibus Inquisitores confici putant, sine hæresi dici non posse, alicui interdum iusto eam gratiam deesse, quâ destitutus vrgente tentatione præceptum implere non possit, ad omnes omnino homines pertinent etiam impios & infideles. Vniuersi enim Patres dicunt, nemini Deum impossibilia iubere, siue, id non præcipere quod sit humanæ impossibile voluntati. De Conc. Tridentino non loquor quod de iustis speciatim loquitur. De illo enim in tertiâ Apologetici huius sectione vberius dicemus.

Atqui licet ex eorum Patrum sententiâ omnibus hominibus, adeoque impiis & infidelibus mandata Dei impossibilia non sint, nihilominus tamen problematicè in scholis disputatur (Inquisitorum ipsa verba sunt) an infideles vllam gratiam habeant per quam præcepta seruare possint.

Ergo generalia illa de possibilitate præceptorum Patrum testimonia, quæ non minùs ad infideles quàm ad iustos pertinent, minimè probare possunt in errorem vel hæresim eum incurrere, qui dicat alicui interdum iusto eam deesse gratiam sine quâ ab vrgente contra præceptum tentatione salubriter & secundum Deum se expedire nequeat. Nihil quæ à vero magis alienum quàm quod inquisitorum antiquissimus confidentissimè asseruit; *idem esse scilicet dicere gratiam non dari aliquibus sine quâ non possunt obseruare Dei mandata, & dicere, illa mandata esse impossibilia.*

Vidit hoc eruditissimus Syluius magni inter recentiores Thomistas nominis Theologus, dum hac ratione negat gratiam sufficientem ad explicandam diuinorum mandatorum possibilitatem quicquam conducere, tum quod ea sine efficaci ad ea seruanda non sufficit, tum etiam quia semper non datur, & tamen semper homines quamdiu hanc vitam degunt possunt præcepta seruare. *Sine datur*, inquit in 1. 2. q. 109. a. 4. p. 723. *aliqua gratia quæ tantum est sufficiens & non efficax, siue non datur ea secundum rei veritatem est impertinens ad saluandum quòd homo possit diuina mandata seruare. Partim quia, ut ipse illa seruet, ea gratia non sufficit; sed oportet quòd etiam adsit gratia efficax, quæ & à solo Deo pendet & gratis seu sine merito tribuitur: partim quia iuxta commune sententiam*

gratia sufficiens non semper datur, & tamen homines viatores semper possunt diuina mandata seruare, ac per consequens etiam nunc quando non habent gratiam sufficientem: Ergo ut observatio mandatorum dicatur esse possibilis, non est necesse venire eò ut dicatur quòd habeant gratiam sufficientem.

SEXTA DEMONSTRATIO.

Ex Gratia per se efficaci ad singulos actus necessitate.

Gratiam per se efficacem ad singulos pietatis actus esse necessariam docent omnes S. Thomæ discipuli, eamque doctrinam non modò ab omni hæreseos labe intactam, sed & optimam esse Inquisitores agnouerunt. Hinc verò nullo negotio inuidiosum ostendi potest, cum Petrus gratiâ efficaci ad vincendam tentationem necessariâ caruerit, tentationem superare minimè potuisse.

Principium enim est lumine ipso naturali notissimum, & à S. Thomâ plurimis locis traditum. *Id necessarium esse ad aliquem finem obinendum, sine quo ille finis obineri non potest*; vel simpliciter, si sit simpliciter necessarium; vel conuenienter si sit tantum secundum quid necessarium, hoc est vtile. Iam pridem verò damnati sunt Pelagiani eò quòd dicerent Gratiâ Dei nos indigere, non vt simpliciter, sed vt *facilius* mandata seruaremus. Ergo si Gratia per se efficax ea est, vt certè est secundum vniuersos S. Thomæ discipulos, quam ad mandata seruanda superandasque tentationes necessariam esse Patres sanxerunt, non ad *facilius* tantum vt aiebant Pelagiani, sed simpliciter ad mandata seruanda tentationesque vincendas necessaria est.

Adcòque ex ipsâ necessarij definitione sine gratiâ efficaci, quâ sine dubio Petrus caruit, nec mandata seruari nec tentationes vinci possunt.

Vidit hoc argumentum quantum valeret inquisitorum solertissimus, cuius vim vt eluderet, confugit primò ad fucum ac fallaciam; deinde vt cum Augustino loquar, ad acumen quoddam sed vitreum, quod luceat veri similitudine, sed frangitur veritate. Primùm enim respondit docere quidem Thomistas omnes Gratiam efficacem ad madata seruanda necessariam esse, eamque optimam esse doctrinam; in hæresim tamen incurrere qui illam teneat, nisi addat quod itidem omnes Thomistæ docent ita gratiam efficacem ad mandata seruanda necessariam esse, vt tamen sine eâ seruari possint etiam completè proximè & expedite.

Egregia sanè & expedita, modò vt sit solida & vera responsio. Si autem in re facti quæ mutari nullo modo potest, amplissimo Ordini per indignam homine probò fallaciam illuditur; quis non miretur vel leuitatem responsionis, vel confidentiam respondentis? Fateor enim Didacum Aluarezium nonnullosque eius sequaces ita necessariâ ad singulos actus gratiam existimasse, vt tamen sine eâ præcepta diuina proximè & completè seruari posse crediderint. Sed pænego & falsissimum esse contendò, Thomistas omnes in eâ esse sententiâ. Contra enim plurimi sentiunt, & sine gratiâ efficaci proximè & expedite præcepta seruari posse negant. Princeps enim omnium S. Thomas 1.2. q. 109. cum variis in articulis huius questionis, tum præsertim 9. diserte negat, *hominem etiam in-*

2 p. q. 41. a.
1. ad 7. 2.2.
q. 58. a. 8.
ad 1. & q.
141. a. 6. ad
2 p. q. 1.
a. 2. c. & q.
46. a. 1. c.
84. a. 5. c.

ificatum posse per seipsum operari bonum & vitare peccatum, absque nouo auxilio Dei ipsum mouentis, dirigentis, & protegentis. Quod quidem auxilium efficax esse secundum S. Thomam nemo inficiari potest. Idemque docent veteribus Theologis qui illum consecuti sunt ^a Bradwardinus, ^b Ariminensis, ^c Capreolus: E recentioribus ^d Cajetanus, ^e Louaniensis Facultas vniuersa, itemque ^f Duacensis, ^g Estius, ^h Cumel, ⁱ alij Thomistæ à Lefdesma laudati, ^j Syluius alique, quorum testimonia quædam representauimus, plura relaturus, si necesse sit.

^a Postquam in præcedentibus est ostensum, nullum tentatum solius liberi arbitrij viribus sine gratiâ, vel cum gratiâ quanta-

cumque absque alio Dei auxilio speciali possit tentationem aliquam superare; restat consequenter inquirere quod sit illud auxilium quo tentati omnia superant tentamenta, & sine quo in omnibus superantur. . . . Voluntas ergo diuina est illud auxilium, sine quo tentatus quilibet superatur, & per quod tentatus quilibet superans efficacieiter superat tentamentum. *De causâ Dei lib. 2. c. 5.*

^b Ex istis paucis satis patere quod etiam veri iusti, & in gratiâ existentes, vt in tentationibus fortiter resistant & in peccatum non cadant, indigent adhuc speciali auxilio Dei, sine illo non possent resistere quin caderent in peccatum, *In 2. dist. 28. q. 2. art. 2. De auxilio eum efficaci loqui quod non omnibus datur ex toto articulo patet.*

^c Non solum iuuat Deus ad bonum velle partialiter efficiendo, qui est modus communis quo concurrit ad cuiuslibet agentis creati effectum quemlibet, sed etiam quodam modo speciali, videlicet faciendo ipsam voluntatem partialiter concurrere, ita quod ipsa voluntas partialiter concausat applicata, & quasi instrumentum mota à Deo ad sic partialiter concausandum: in quâ tamen motione ipsa non necessiatur, sed instrumentum liberum existens in cuius potestate est sequi motionem agentis inuatur ita vt agat ea que non sit adiuta nequaquam agere potuisset. Et hoc est illud adiutorium speciale, sine quo dicimus nos nihil boni velle aut facere. *Lib. 2. Sent. Dist. 28. q. 1. art. 3. fol. 256. & seq. Vt plura alia in eandem sententiam.*

^d Hinc habes quod non solum credere est donum Dei, sed etiam posse credere est diuinæ gratiæ, quâuis posse credere potentiâ remota, naturæ sit rationalis. Ex hoc enim quod homo rationalis est naturæ, potentiam habet intellectus & voluntatis quibus potest credere, sed non nisi ex giaruito Dei auxilio appropinquat ad hoc vt fidei possit hætere Christianæ. *In cap. 10. Ioan. v. 39. Videri potest & in Matt. c. 26 & in Comm. in 1. 2. quest. 109.*

^e Aliud autem est posse, in quo tam magnæ insunt vires per sufficientem gratiæ preparationem vt satis sit ad agendum. Per quam quidem gratiam non iam solum ipsum posse, verum etiam agere adiuvatur. *In iustifi. at. Censuræ pag. 131.*

^f Singularis Christi gratia non omnibus est communis, & tamen omnibus ad conuersionem & salutem est necessaria. . . . Neque infidelis quisquam credere potest, nisi per gratiam quâ cor eius ex infidelitate ad fidem mutetur. *Cors. Assert. 24. lata anno 1588.*

^g Omnis huiusmodi possibilis quoniam ab actu separata esse potest, consistit absque initio bonæ voluntatis & iustitiæ; SINE QVO TAMEN INITIO NON CONSISTIT EA QUÆ PROPRIE VOCATUR GRATIA CHRISTI, quemadmodum August. docet lib. de Nat. & Gratiâ cap. 41. Etenim gratia Christi (quod in sequentibus plenius ostendendum est) non est communis bonis & malis, sed bonos discernit à malis, vt compluribus locis docet Augustinus, bonitatis nomine etiam primæ bonæ voluntatis initia comprehendens. *In 2. Sent. dist. 26. §. 1. Qui & plurima alia passim habet in eandem sententiam.*

^h Qui caret efficacie auxilij gratiæ Dei non habet omnino immediatam & proximiorum virtutem & potentiam ad operandum quia hanc præstat efficax Dei gratia: sufficiens vero auxilium præstat quidem vim potentæ, non quidem omnino proximam cum vltimâ actualitate, sed minus proximam, sed quasi mediata: vel minus immediatam & incompletam seu inadæquatam. *Pag. 251. ad 1. 2.*

ⁱ Alij vero Discipuli D. Thomæ qui docent quod auxilium efficax prædeterminans voluntatem tenet se ex parte actus primi tanquam constituens illum in vltimâ actualitate & in vltimo complemento ad operandum de quo supra diximus, debent dicere quod hoc auxilium aliquo modo pertinet ad auxilium sufficiens tamquam vltimum complementum & vltima actualitas ipsius. Vnde auxilium sufficiens non est completum & consummatum nisi per auxilium efficax & prædeterminans. Itaque secundum istam sententiam non datur auxilium sufficiens completum & consummatum, antequam sit coniunctum auxilio efficaci quod prædeterminat voluntatem. *In tractatu de auxiliis quest. vltimâ art. 11.*

1 In 2. 2. quest. 109. a. 4. p. 713.

Alterum commentum est nos in hac argumentatione conclusionem elicere e duobus principiis, quorum alterum è Molinæ scholâ repetamus: nimirum, *Non potest fieri actus pietatis sine gratiâ ad illum efficiendum necessariâ*; alterum è Thomistis, nimirum: *At gratia efficax ad singulos pietatis actus necessaria est*. Vnde concludimus: *Ergo nihil eorum quæ ad pietatem pertinent sine gratiâ efficaci facere possumus*. Quod hæresim Inquisitor ille esse contendit. Possè enim hæresim concludi ex duobus principiis ex diuersâ Theologorum scholâ repetitis, vt si quis ita argumentaretur: Secundum Thomistas existentiam humanam Christus non suscepit. At secundum alios Theologos existentia à naturâ non distinguitur. Ergo Christus non suscepit naturam humanam.

Sed falsa sunt omnia quibus hæc comparatio nititur. 1. enim qui hoc Disquisitoris argumento Christum naturam humanam minime suscepisse probare vellet, non alio quàm huiusce solius argumentationis præsidio fretus, infandam adstrueret hæresim, quæ omnium Scripturarû, Patrum, Conciliorum autoritate subuertitur. Tum denum igitur valeret & æqua esset comparatio, si nos non alio quàm huiusce argumenti præsidio nixi statueremus, sine gratiâ efficaci nihil boni, quod ad veram pietatem & iustitiam pertinet, effici posse. Atqui contra omnino se res habet. Quamuis enim doctrina quam tuemur argumento etiam isto probetur, non tamen eius solius autoritate nititur. Autor eius scriptura diuina est. Autores eius sancti sunt Patres qui id semper dixere quod dicimus; ac sine gratiâ quâ fit vt faciamus, nos boni quicquam efficere non posse, apertissimè professi sunt. Docebant enim quod à Christo ipso didicerant vbi Ioannis 6. sic loquitur. *Nemo potest venire ad me nisi pater meus traxerit eum*. Et iterum. *Nemo potest venire ad me nisi fuerit ei datum à Patre meo*.

2. In exemplo illo à Disquisitore proposito nihil mirum si principia duo composita hæresim pariant, cum principia illa planè pugnantia sint atque contraria. Quid enim contrarium magis quàm illa duo: Naturam humanam susceptam à Christo, non existentiam naturæ humanæ quod Thomistis placet: Et existentiam naturæ humanæ à naturâ humanâ non distingui, quod alij Theologi docent. Quis autem duo hæc principia à me connexa, non dicam secum pugnantia, sed vel disparia ac dissimilia causari audeat. *Nihil effici potest sine eo quod est necessarium ad illud efficiendum*; & *Gratia efficax ad singulos actus necessaria est*. Si igitur gemina illa principia cognata inter se ac probè connexa, & prætereà verissima sunt; quid ex iis nisi verum consequi potest? Quod autem disquisitor ille proscribere vult vt hæreticum, ipso fatente è duobus illis principiis quorum alterum non è Molinæ scholâ, vt ille ait, sed omnino naturæ lumine innotescit, alterum ab ipso vt doctrina optima est commendatum, necessariò consequitur. Igitur quod vt hæreticum proscribere vult, non potest esse nisi verissimum.

3. Falsum est nos duo illa principia è diuersis scholis, vnum è Molinæ alterum è B. Thomæ scholâ mutuari. Vtrumque nobis B. Thomæ scholâ,

suppeditat. Quamquàm primum confirmemus interdum ex iis ipsis quæ Molinæ discipuli pro veris habent. Quàmuis enim nonnulli è recentioribus Thomistis, quò B. Thomæ doctrinam in vulgus quasi plausibiliorem efficerent, Aluarezio primo duce atque autore fateri noluerint, sine gratiâ efficaci bonum fieri minimè posse, fuit hæc tamen B. Thomæ certa ac perpetua sententia. Hinc ille id quod non tantùm vtile est, sed simpliciter necessarium (qualis est parentibus Thomistis omnibus gratia efficax ad actus pietatis) generatim ita definit, *id sine quo aliquid esse non potest*; speciatim verò motionem diuinam, quæ ipsi gratia efficax est, docet esse gratiam illam de quâ Christus ait: sine me nihil potestis facere. Ita loquitur Angelicus doctor, ita veteres omnes eius discipuli ante Aluarezium & post Aluarezium plurimi locuti sunt. Quin & ipse Aluarezius quique eum sequuntur, etsi aliquantulùm verbis discrepent, in re nihilominus ipsâ consentiunt. Quantamcùmque enim potentiam etiam proximam & expeditam ad bene agendum & ad superandas tentationes attribuant homini efficaci gratiâ defuncto; fatentur tamen non magis fieri posse vt re ipsâ benè agat & tentationem superet, quàm vt securis acuta & ad secandum idonea reipsâ secet, quamdiu ab artifice non mouetur; vel vt oculi quantumuis sani & perspicaces reipsâ videant quamdiu lumine non illustrantur. At ex communi omnium hominum sensu, rectè dicitur securis quantumuis acuta, se rare non posse, nisi ab artifice moueatur; vel oculi quantumuis sani, videre non posse, nisi lumen præsto sit. Ergo in ipsâ Aluarezij sententiâ, quicquid sit de potentiâ proximâ quam adesse vult homini qui auxilium efficax non habet, cum tamen fateatur non minùs hominem indigere auxilio illo efficaci vt re ipsâ agat, quàm securis artificis motione vt secet, aut oculi lumine vt videant; rectè secundum communem apud omnes homines vocum acceptionem, de homine cui efficax gratia defuit, dici potest, eum tentationem superare non potuisse sine eâ gratiâ quâ necessariò indigebat, vt eam reipsâ superaret.

Quare disquisitoris huius responsio, arguta quidem, sed planè expers veri, fundamento ipsius quod falsitate implicabatur, cadente corrui, Frustrâque eum causatum liquet, doctrinam duobus principiis è duplici eadèque diuersâ Theologiæ scholâ repetitis innixam, hæresim posse conficere, cùm hanc quam tuemur principiis & per se certissimis & inter se affinis atque connexis, & ab eadè B. Thomæ schola deductis, fultam esse clarissimè pateat.

SEPTIMA DEMONSTRATIO.

Ex Thomistis per Innocentij X. Constitutionem vti fatentur aduersarij, minimè condemnatis.

Hactenus aduersarij vtrò agnouerunt eos omnes Theologos quos B. Thomæ vestigiis studiosius inhærentes vulgò Thomistas, in scholis appellant per Innocentij X. Constitutionem minimè condemnatos fuisse. Quod quidem omnium disegregatissimè fatetur Annatus, qui Pontificem eas controuersias vti antea erant intactas reliquisse, de qui-

bus ante Iansenium in Catholicis Theologorum scholis disceptabatur. Hoc ergo posito septima sit nostra Demonstratio.

Fas est annuentibus aduersariis nostris, saluâ Innocentianæ Constitutionis autoritate, ea tueri quæ ante Iansenium in Thomistarum scholis palam & publicè magni nominis Theologi asseruere.

At quod in notatâ Propositione quæ Chrysostomi est & Augustini hæreseos arguitur, Petrum scilicet, vel aliquem alium iustum Gratiâ efficaci ad superandam tentationem necessariâ ad tempus destitutum tentationem superare non potuisse, docent ij omnes ex Thomistis qui & gratiam efficacem ad omnes & singulos pietatis actus necessariam censent, & sine eâ, nihil quod ad pietatem, pertineat, fieri posse profitentur, vt sunt post S. Thomam ij omnes quos ante citauimus, tum antiquiores tum recentiores; & speciatim Cajetanus Cardinalis, qui *iustos ad gratia habitualis usum ex se ipsis sufficientes esse negat, sine continuo gratuito Dei auxilio; quo quia caruit Petrus, idèò cecidit & perdidit charitatis gratiam:* & eruditissimus Estius qui exemplo piissimi regis Ezechie clarum esse ait, *Deo deserente, hoc est gratiam non dante, hominem* (etiam iustum qualis erat Ezechias) *non posse superare tentationem, hoc est salubriter & secundum Deum se ab illâ expedire.*

Non potest igitur sine manifestissimâ & iniquissimâ personarum acceptione in Propositione Chrysostomi & Augustini quæ à me tantummodo refertur id hæreseos damnari, quod ab illis præstantissimis Theologis quos ab Innocentio X. minimè damnatos fuisse aduersarij ipsi vltro fatentur palam & publicè nemine expostulante traditum est.

OCTAVA DEMONSTRATIO.

Ex eâ doctrinâ quam Inquisitorum vnus in scholis Sorbonicis docuit,

Accepi Inquisitorum illum antequam diceret, ita esse præfatum, vt animum nullâ in me maleuolentiâ suffusum, imò & erga me propensionem præ se ferret. Sed mirum sanè videri possit, quoddam ius in me beneuolentiæ non satis memor, præter multa atrocita ab illo vno in me dicta, continuò in hanc vocem erupit, *hæresim me inducere conari & eam quidem hæresim quâ nulla vnquam deterior, nulla pestilentior non modo in Ecclesiâ inuecta est, sed etiam vnquam inuehi possit.* Qui talem se gerit, & cum amicus haberi vult, qualis erit si quando oderit? Verùm doctrinam meam dum ille perit, suam grauius appetiisse faciliè demonstrò.

Nam qui docet non aliam à Deo dari gratiam, quâ vel bonum operari, vel peccatorum tentationes superare possimus, quàm per se efficacem; is necessariò fateri debet iustum qui à tentatione vincitur, ac proinde gratiâ efficaci ad superandam tentationem necessariâ caruit, tentationem superare non potuisse.

At id scriptis suis dum in scholis Sorbonicis Professionis Regiæ munere fungeretur, Inquisitor ille semper docuit, *Gratiam scilicet operandi semper esse efficacem, & sine illâ gratiâ efficaci vel tentationes superari vel mandata seruari non posse.*

Ego

Cajetar. in
Matth. 6. 26.

Comm. in
Paral. 6. 32.
v. 31.

Ergo vel pestilentissima hæreseos labe discipulos suos tum infecit, vel iam pro pestilentissima hæresi haberi vult, quod ipse nisi omnem pudorem abiecit, se in scholis Sorbōnicis docuisse diffiteri non potest.

Respondebit ille fat scio, Petrum reuerà à Deo derelictum tentationem superare non potuisse: Verum id ei accidisse in præsumptionis suæ pœnam, vt ipsi à me laudati testantur Patres. Fateor id quidem; sed, quid ad Epistolam? Contendit autor Epistolæ post Chrysostomum & Augustinum, *Petro gratiam sine quâ nihil possumus, id est sine quâ tentationem superare non poterat; defuisse.* Quæritur an hæc propositio hæretica sit, an vero orthodoxa. Quis vero ita mente caprus est, vt non videat, propositionis huius veritatem non infirmare, sed contra magis statuere, qui non modo Petro gratiam defuisse agnoscit, sed quare defuerit exponit; Eo enim verius est & certius illam petro defuisse, quò magis ostenditur non sine causâ eam illi defuisse. Vt si quis multos etiam baptizatos damnatum iri contenderet, nonne ineptiret prorsus, qui hoc argueret erroris, eo quod nemo baptizatus damnandus sit, nisi qui ob peccata damnari meruerit; Neque enim tum baptizatos multos damnari negaret, sed causam cur damnarentur afferret. Quare sic iterum argumentum contexo.

Non negat Epistola (quod autor Epistolæ lubentissime agnoscit) idè Petro gratiam defuisse, quia de suis viribus nimium præsumpsit, sed id vnum post Augustinum & Chrysostomum affirmat Petro gratiam defuisse, sine quâ nihil possumus, hoc est sine quâ tentationem illam superare non poterat, quamcumque tandem ob causam ea Petro defuerit: de quo non erat tunc quærendi locus, cum id solum aduersus Annatum probandum suscepisset, pro Catholico dogmate habendum non esse, vt ille contendebat: *Que la grace interviene & actuelle nécessaire à nostre volonté afin qu'elle puisse vouloir ce que Dieu exige d'elle, ne luy manque iamais dans l'occasion ou elle peche.* Petro vero gratiam defuisse sine quâ tentationem superare non poterat, verissimum esse agnoscit Inquisitorum ille in autorem Epistolæ acerbissimus; & quod addit Petro id accidisse in præsumptionis suæ pœnam, adèd propositionem illam non infirmat, vt potius confirmet. Quâ ergo fronte pro pestilentissimâ hæresi haberi vult, quod ipsemet pro verissimo agnoscit.

Recurreret fortassis ad Molinianam illam suam & libero subiectam arbitrio orationis gratiam, quam B. Petro non defuisse causabitur. Sed vt. omittam commentitiam illam Inquisitoris doctrinam de duplici & planè diuerso in vnâ eademque Christi gratiâ, gratiæ genere, operandi scilicet & orandi, quorum illud per se semper efficax sit, hoc vero liberè subditum voluntati, cuius pro nutu effectum habeat, vel non habeat, inane esse figmentum, catholicorum Theologorum auribus hætenus inauditum; & in quo explicando Inquisitor ille altitudinem gratiæ nesciens, absurdas planè atque improbables fabulas texuit: vt inquam, id. omittam, quicquid de hoc statuas, ad propositionem meam minimè spectat. Non enim in eâ agitur de

orationis, sed de operationis gratiâ quam semper esse efficacem disquisitor ille agnoscit. Neque enim quæritur an B. Petrus orare potuerit, sed an tentationem superare. Non potuisse fatetur, cum gratiâ efficaci caruerit, quâ solâ ex illius sententiâ tentationes superari possunt: Ergo propositionem meam quæ id solùm asserit, pro catholici habere debet; quicquid interim de orationis gratiâ statuere ipsi liberit, de quâ nunc non disputo.

An co iterum regressurus est, vt in ijs vocibus, *la grace sans laquelle on ne peut rien, a manqué à saint Pierre*, vniuersum pestilentissimæ illius hæreseos venenum collocet? Sed vt omittam pestilentissimas illas voces non meas esse sed Chrysostomi & Augustini; vt sæpius demonstratum est; quâ animi æquitate & candore in re grauiissimâ ad leuem illam cauillationem confugere potest, quam & superiori scripto, & iterum in huius prioris sectione deieci? Clarissime enim ostendi, verba illa Epitheti loco gratiæ adiuncta, *Gratiâ sine quâ nihil possumus*, pro subiectâ materiâ intelligi debere, adeoque nihil aliud me post Chrysostomum & Augustinum significare voluisse, quàm Petro defuisse gratiam illam sine quâ tentationem illam superare non poterat, quia sine Gratiâ, teste ipso Christo, nihil possumus. Neque de hac te iam amplius disputationi locus esse potest. Cum enim Facultas decreuerit, vt candidè ac sincerè mentem meam explicarem, post sinceram illam propositionis meæ explicationem facultati ipsi exhibitam, non alius sine apertâ calumniâ affingi potest propositioni meæ sensus, quàm quem ego genuinum esse ostendi. Quare cum in illo sensu ex Inquisitoris illius de quo nunc loquor doctrinâ, nihil sit quod meritò reprehendi queat, veteri profectò debet, ne dum eum censurâ pergit inurere, præiudicio potius quàm iudicio & animi quodam affectu quàm rationis ductu moueri videatur.

Mitto Inquisitoris illius vocem aduersùs gratuitam Dei gratiam atrocem & non ferendam; non posse scilicet Deum denegare gratiam iusto amico suo, absque iniustitiâ & crudelitate. Ergo crudelitatem & iniustitiam Deo adscripserunt Patres omnes, qui Deum Perro iusto & amico suo gratiam denegasse vno ore asserunt? Sed nihil mirum aduersùs Dei gratiam tale effatum ex eius ore prodiisse, qui in scholis Sorbonicis palam & publicè docere non erubuit, *Deum gratiam suam* (non iustis modò, sed omnibus omnino hominibus quantumuis impijs & sceleratis) *ex iustitiâ largiri, cum precipit aliquid, quod sine gratiâ fieri nequit*. Quâ non aliam esse posse gratiâ Dei gratiæ magis exiralem doctrinam coram equis iudicibus demonstraturum me spondeo. Interim huic perspicuo & intolerando errori sanctissimam Augustini vocem opposuisse sufficiat: *Gratia Dei non eris gratia villo modo, nisi fueris gratuita omni modo*.

Obseru 1.
x 3.

NONA DEMONSTRATIO.

Ex defeſione iuſtorum ad tempus quam vnus Inquiſitorum agnouit.

Duplex in meâ de Petro à Deo defeſſo propoſitione peccatum Inquiſitorum vltimus annotauit : 1. *Quia non fuiſſe intentio Chriſti Petrum omnino defeſſe, ſed ad tempus, vt humilior reſurgeret.* 2. *Quia non ſiſto in ſolo Petro, ſed argumentor ex Petro ad omnes iuſtos; & quidem non de defeſſione ad tempus, ſed ad perditionem æternam, cum iuſti multi ſi defeſſerunt ad damnationem, cum ſcilicet non reſurgunt.* At ex duplici illo peccato nullum in Propoſitione mea peccatum eſſe perſpicuè demonſtrari poteſt.

Non peccat enim, Inquiſitoris illius iudicio, qui iuſtos aliquos interdum ad tempus à Deo defeſſi agnoſcit, vt ex ipſo ſuo lapſu humiliores redeant & doctiores.

At id vnum propoſitio aſſerit; neque mihi ſine maniſeſtiſſimâ calumniâ aſſingi poteſt, quò ex Petro argumentatus ſim ad omnes iuſtos. Modò enim vel vnus iuſtus aliquando fuerit qui inſtar Petri à Deo defeſſi vt humilior rediret ac doctior, eâ grãtia ad horam caruerit qua ingruentem tentationem ſuperare poſſet, ſaluã eſt mea propoſitio.

Ergo ex Inquiſitoris illius ſententia, nullum eſt in mea propoſitione peccatum, niſi ad alienos ſenſus detorqueatur.

Quo autem nitatur Inquiſitor ille fundamento, vt iuſtos à Deo defeſſi poſſe concedat modò ſint poſtea per diuinam grãtiam à lapſu ſuo erigendi, aliter neget, inquirere non eſt huius loci. Monendus tantum obiter eſt, ne hæc ſua ſententia ad Calviniſtarum hæreſim aliquantulum accedat, qui numquam iuſtos ita à Deo defeſſi aiunt, quin tandem aliquando ad eum ſint reuerſuri: quod à Conc. Trid. damnatum eſt Sess. 6. c. 12. dum negat *de iuſtificato ſine errore dici poſſe, quod aut amplius peccare non poſſit, aut ſi peccauerit certam ſibi reſiſciſcentiam promittere debeat.*

DECIMA DEMONSTRATIO.

Ex Theſibus in Sorbonâ propugnatis A. 1650. & 1652.

Secundùm illas Theſes à Dominis Hallier & Grandin approbatas & in Sorbona publicè propugnatas nullo expoſtulanre vel conqueſcente, iam mandata Dei iuſtis omnibus poſſibilia ſunt, vt tamen grãtia efficax quæ non ſemper iuſtis datur, proximam & completam ad bene agendum potentiam conſeruat, & aliquis interdum iuſtus ad præceptum ſeruandum proximè, immediatè & completè potens non ſit.

Atquæ ex propoſitione in indiculo notata nihil aliud ſequitur quàm Petrum efficaci grãtiâ deſtitutum, ad ſuperandam tentationem proximè, immediatè, completè potentem non fuiſſe.

Ergo nihil eſt in illa propoſitione quod vel erroris vel hæreſeos notari mereatur. Ad illam verò doctrinam ſic approbatam & publicè propugnataſ respiciens in priori Apologetico dixi ſectiõne 2. Propo-

sitionem meam notare illud posse quod proximum & expeditum Theologi appellant.

SECTIO TERTIA.

De vero Tridentini Anathematis in primæ propositionis damnatione memorati sensu, ex Cardinalis Bellarmini sententiâ.

CV M Innocentius X. primam Propositionem proscribat ut iam anathemate damnatam, omnesque consentiant ad Tridentinum anathema Pontificem alludere, quo percellitur qui dixerit, *Dei præcepta homini etiam iustificato & sub gratiâ constituto esse ad observandum impossibilia*; manifestum est primam propositionem in eo sensu à Pontifice acceptam, qui illâ Tridentini Concilij sanctione damnatus est.

Dixi verò in priori scripto, certum esse etiam teste Cardinali Bellarmino, non aliud anathemate hoc Tridentino percussum, quam quod hæretici assererant; numquam iustis eam adesse gratiam quâ diuina præcepta implere possent, sed quicquid agerent illi sanctius, id pro peccato vel lethali, vel certe veniali habendum esse.

Viderunt inquisitores quantum id suæ causæ officeret; itaque Bellarminum falso à me citatum esse conquesti sunt, negaruntque ab illo Tridentinum Canonem de præceptorum impossibilitate in eo quem dixi sensu acceptum. *Bellarminum enim diuersis capitibus & separatim egisse de duabus illis hæresibus, de impossibilitate scilicet generali præceptorum, & de eiusmodi peccatorum fermento quæ semper occurrunt in obseruatione mandatorum; quæ tamen duo, inquebant, confundere voluit aduersarij.*

Ego, verò hæc duo non confundo, sed tamquam duo vnus eiusdemque hæresis membra connexa atque implicita, quorum vnum propter alterum ab hæreticis asseratur, & vtrumque ad vnum eundemque controuersæ statum pertineat, à Bellarmino confutata fuisse contendo. Quod ut melius percipiatur, quædam obseruanda sunt.

Primum est, Numquam Lutheranos & Calvinistas dum de præceptorum impossibilitate ea disputant quæ Synodus Tridentina damnauit, eam quæstionem mouisse, an alicui iusto interdum ea gratia desit quæ ipsi ad seruandum præceptum necessaria erat, & quam aliis iustis Deus largitur; sed de omnibus omnino iustis semper disputasse, an scilicet vllus sit quàmuis sanctus, qui præcepta diuina verè & coram Deo seruare possit.

Secundum est, Non illâ eos ratione præceptorum impossibilitatem adstruere, quod negent homines abstinere posse à facinoribus & flagitiis quæ lege diuinâ vetantur, ut sunt homicidia, adulteria, furta, sed

tantum quod ea sit ex peccato, quod etiam in baptizatis manere aiunt licet non imputetur, mentis deprauatio, ut omnes animi motus, etiam dum à spiritu agitur, quatenus ex homine sunt, corrupti sint & infecti; ita ut nullum inde proficisci possit opus, quod non iustam opprobrij mercedem mereatur; adeoque non posse illis operibus coram Deo malis & prauis, licet coram hominibus bona & laudabilia censeantur, legi diuinæ satisfieri.

Tertium est, Duplicem distingui posse præceptorum diuinorum possibilitatem; vnā meram, puram, & ab effectu separatam, qualis est etiam in iis qui præcepta apertè transgrediantur, ut cum de Dauide in adulterium lapsò dicitur, possibile ei fuisse de adulterio non committendo præceptum. Altera est possibilitas cum effectu, ut Augustinus appellat de Nat. & Grat. c. 42. quæ iis tantum iustis competit qui in iustitiâ perseuerant, & ira legem diuinam seruare possunt, ut & reipsâ seruent.

Queritur ergo de quo possibilitatis genere intelligenda sint ea quæ Tridentina Synodus de præceptorum possibilitate aduersus Lutheranos definit sess. 6. cap. 11. & can. 18. Si enim de priori, ne sic quidem aduersus nos facit, cum agnoscamus etiam iis iustis qui interdum labuntur, possibilita fuisse illa mandata quæ non seruant.

Sed si recte Bellarmino, de posteriori tantum agat, hoc est, si id vnum aduersus Heterodoxos, qui legem diuinam ira impossibilem esse volunt, ut à nemine quantumuis iusto, verè & coram Deo seruari possit, ut certissimum Ecclesiæ Catholicæ dogma definiuit, non esse iustis impossibilia mandata diuina, cum à multis iustis reipsâ impleantur; quam in me falsi accusationem de Bellarmino malè cirato intulerunt, in ipsos redundabit, neque vlli dubium erit, quin secundum Cardinalis Bellarmini sententiam, Tridentinus Canon de præceptorum impossibilitate malè prorsus in eos contorqueatur qui tria hîc statuunt:

Primum est iustos piè viuentes præcepta diuina implere posse, & reipsâ implere, quod negant Heterodoxi, quos Tridentina Synodus condemnauit.

Secundum est, illis etiam iustis qui peccant, possibilita fuisse illa ipsa præcepta quæ transgrediuntur, non eâ tantum possibilitate, quæ ex SS. Patrum doctrinâ impiis & infidelibus per naturam competit; sed eâ quam iustis confert *donum gratuitum nature superadditum*, quo iusti ad non peccandum adiuuantur, ut docet S. Thomas 1. 2. q. 109. a. 2. 6. 9. &c. et si ex eodem Angelico Doctore, *ulterius indigeant auxilio Dei animam interius mouentis, dirigentis, & protegentis.*

Tertium est, non omnes iustos *per quotidianum adiutorium Dei per-* Celest in
seuerantiam bonæ conuersationis accipere, cum aliqui in bonâ conuer- Ep. ad Gall.
satione non perseuerent; *quam tamen perseuerantiam bonæ conuersa-* cap. 6.
tionis qui non accipit, esse baptismatis gratiâ renouatus, ex Celestini I.
definitione, *ad superandas diaboli insidias, & ad euasandas carnis con-*
cupiscentias idoneus non est: seu quod idem est, nonnullis inrerdum

1.2. q. 109.
2. 9.

iustis in tentatione deesse illud auxilium Dei interius mouentis, dirigentis & protegentis, sine quo, ex eiusdem angelici Doctoris sententiâ, ingruentes tentationes superare non possunt.

Paulò igitur accuratius inspicimus quid hac de re Bellarminus scripserit.

I.

Bellarmin. in
Præf. l. 4. de
iustif. qui
est de iusti-
tia operum.

Quam falsò aduersarij iactauerint Bellarminum de impossibilitate præceptorum, & de peccati fermento quod omnibus iustorum operibus adhæreat, tanquam de duabus hæresibus omnino diuersis egisse, patet 1. ex clarissimis Bellarmini verbis, dum quæstiones omnes quæ super hac materiâ inter catholicos & hæreticos disceptantur, breuiter exponit. *De iustitiâ*, inquit, *actuali, sine operum, quatuor sunt quæstiones: una de necessitate, altera de veritate, tertia de merito, quarta de perfectione. Dissidemus enim ab hæreticis huius temporis, primum an sint hominibus iustificatis opera necessaria ad salutem, &c. deinde dissidemus de ipsâ veritate iustitiæ actualis, idest utrum opera iustorum sint verè iusta, ita ut coram Dei iudicio comparere audeant: CUM QVA QVÆSTIONE COINCIDIT ILLA, possit ne homo iustus legem diuinam ita implere, ut in eo opere peccatum nullum admittat. Quis posthac de Bellarmini sententiâ altercari queat? Non solùm enim illam quæstionem utrum opera iustorum sint verè iusta, cum illâ quæstione, possit ne homo iustus legem diuinam implere, COINCIDERE disertè profitetur, contra quam Inquisitores statuere veriti non sunt; verùm etiam illam ipsam postremam quæstionem de diuinæ legis possibilitate ita exprimit, ut nullus dubitandi locus esse possit, quin quod à Tridentinâ synodo definitum est, à præsentî controuersîâ omnino sit alienum. Is enim ex Bellarmino, & vnicus & verus catholicos inter & hæreticos controuersîæ, de quâ Tridentini Patres pronuntiauerunt, status, possit ne homo iustus legem diuinam ita implere, ut in eo opere peccatum nullum admittat. Nullus autem est catholicus qui heterodoxis id negantibus anathema non dicat. Ex Bellarmini ergo mente, Concilij Tridentini auctoritate grauitèr abutuntur, quia ea illius decreta quibus nefarium illum hæreticorum errorem ingulauit, ed trahere volunt, ut quod omnes Patres de nonnullis iustis quibus interdum Deus, pro iudiciorum suorum inscrutabili altitudine, efficaces illas vires non subministrat, quibus ingruentem aliquam tentationem superare queant, pro hæresi habeatur.*

II.

Neque minùs aperta sunt quæ tradit Bellarminus dum quæstionem ipsam tractaturus, in quo ea sita sit, his verbis explicat lib. 4. de iustif. cap. 10. *Sequitur altera questio de iustitiâ actuali qua est de veritate iustitiæ actualis, sine operum. Est autem hic controuersia status, utrum homines iustificati & gratiâ Dei adiuvante, possint ita legem diuinam implere, ut opera ipsorum non modo non sint appel-*

landa peccata ; sed etiam verè ac propriè iusta dici mereantur. Et quidem hæretici huius temporis partem negantem defendunt. Docent enim legem diuinam esse planè impossibilem homini etiam iusto , & inde colligunt nullam esse in nobis veram actualem iustitiam , sed omnia opera iustorum esse mortalia peccata ex naturâ suâ. Ita Lutherus, Caluinus, Philippus, &c.

Cui post hæc verba dubium esse potest, quin Bellarminus non pro diuersis & dissentaneis hæresibus habuerit, vt Inquisitores asserere non dubitarunt, quod hæretici docent de impossibilitate præceptorum, & de omnibus iustorum operibus peccato aliquo infectis, sed pro vnâ eâdemque hæresi cuius hæc duo membra sint ; & vnum quidem ex altero religatum : cùm non aliam ob causam hæretici doceant cuius iusto diuinam legem impossibilem esse, quàm quia illa ipsa iustorum opera, quibus coram hominibus Dei legem obseruare videntur, ita in se polluta & impura esse existiment, vt iis coram Deo diuinæ legi nequaquam satisfiat.

III.

Neque minùs id clarè patet ex ratione quam affert vt probet Kemnitium errare circa diuinæ legis possibilitatem, etsi verbo fateri videretur legem Dei per gratiam posse seruari. Kemnitius, inquit, in examine Concilij, more suo fraudulenter agens videtur admittre legem Dei per gratiam posse seruari, modo non addatur perfectè.... Vbi si existimaret Kemnitius non posse legem impleri ita perfectè, vt iusti in totâ vitâ non admiscerent operibus bonis vlla peccata venialia, nobiscum sentiret & cum ipso Concilio, vt patet ex illo ipso cap. 9. sess. 6. Sed non hoc sensu ille negat perfectionem operibus iustorum ; sed quia cum cæteris sèctarijs censet, non posse ita legem impleri, vt opus simpliciter iustum appellari queat. Imperfectam enim dicit esse nostram obseruantiam legis quia indicat eam contaminatam & immundam, vnde approbat dictum Lutheri, quod omnia opera iustorum sint verè peccata.

Quid istis verbis manifestius afferri potest ? Non aliunde enim probat Bellarminus Kemnitium à Catholicis dissentire circa possibilitatem diuinæ legis, quàm quia cum Luthero sentiebat omnia iustorum opera esse peccata. Quem pudendum & exitialem errorem si abijceret, non alia eius esset quàm Tridentini Concilij hæc de re sententia sess. 6. c. 11. Hinc verò perspicuè sequitur.

1. Non pro duabus diuersis hæresibus hæc duo Bellarminum habuisse, sed vltimum illud de omnibus iustorum operibus peccato infectis considerari voluisse, tanquam ex quo prior error de præceptorum diuinorum impossibilitate penderet.

2. Ex sententiâ Bellarmini de eâ tantùm præceptorum possibilitate Synodum Tridentinam egisse quæ cum effectu coniuncta sit, & per quam iusti qui per quotidianum Dei adiutorium perseverantiam bonæ conuersationis accipiunt, legem diuinam reipsâ seruant, licet

non ita perfectè, vt in totâ vitâ non admisceant operibus vllâ peccata venialia. Non possunt igitur ex Bellarmini mente ad aliam & planè diuersam quæstionem Tridentinæ sanctiones sine calumniâ detorqueri.

I V.

Posteà verò separatis capitibus agit de impossibilitate diuinæ legis, & de iustorum operibus omnibus peccato infectis (vt & Tridentinum Conc. duobus diuersis capitibus ea duo damnauit) sed ita tamen vt semper prius ad posterius Bellarminus referat , neque de purâ & merâ possibilitate legis sollicitus sit , sed de eâ quæ cum effectu coniuncta est. Neque enim quærit & quomodo possibilis lex sit iis qui eam transgrediuntur , sed an sint iusti qui eam implere possint , & re ipsâ impleant. An verò quod hæretici iactabant , nemo quantumuis iustus eam implere possit , & ei obseruandæ sanctissimi quique impares sint. Id verò euidenter ostendunt argumenta omnia quæ ex diuinis literis repetit eodem libro cap. 10. *Probamus* , inquit , *legem Dei esse possibilem , primo iis testimoniis quibus utitur Conc. Trident. sess. 6. cap. 11. quæ non solum possibilia , sed etiam facilia testantur esse mandata. Matth. 11. Iugum meum suauis est ; & onus meum leue. & 1. Ioan. 5. Et mandata eius grauiora non sunt. Quibus autem mandata Dei grauiora non sunt , nisi eis qui ex charitatis affectu seruant. Omnia quippe (inquit Augustinus de Nat. & Grat. cap. 69.) sunt facilia charitatis cui uni sarcina Christi leuis est : aut ea una est sarcina ipsa quæ leuis est. Conuersus ergo (vt ibidem S. Doctor) ad dominum Deum suum ex toto corde suo & ex totâ animâ suâ , mandatum Dei non habebit graue. Quomodo est enim graue , cum sit dilectionis mandatum. Aut enim quisque non diligit , & ideo graue est ; aut diligit , & graue esse non potest.*

In eo verò sensu hæc scripturæ testimonia à Bellarmino accepta esse , quæ sequuntur perspicuè demonstrant. Post allatam enim & confutaram Caluini responsionem ; *Domini autem* , inquit , *& Apostoli verba indicant , legem Dei esse iugum quod facile portatur & mandata eius non esse grauiora , sed paruo negotio custodiri , quod euidentius expressit Dauid sub metaphora viæ cum ait : Viam mandatorum tuorum cucurri cum dilatasti cor meum ; & Apostolus ad Philipp. Omnia possum in eo qui me confortat. Vbi vides dilationem cordis per infusam charitatem & gratiam Domini confortantem , efficere vt mandata facile seruentur. Quod multo ante futurum prædixit Ezechiel. cap. 36. cum ait Spiritum meum ponam in medio vestri , & faciam vt in præceptis meis ambuletis & iudicia mea custodiatis.*

Et erit quisquam adeo peruiçax & obstinatus qui non agnoscat Bellarminum nullatenus agere de possibilitate præceptorum , quæ illis competat qui ea non obseruant , sed de illâ tantum possibilitate cum effectu coniunctâ , quæ ad eos solum pertinet qui ea reipsâ implent , qui iugum Christi portant , & qui dilatato corde viam mandatorum currunt , cum per gratiam noui Testamenti ab Ezechiele prædictam

Deus

Deus in iis facit, vt in præceptis eius ambulent, & iudicia eius custodiant?

V.

Neque minùs perspicua sunt quæ mox addit aduersùs hereticos diuinæ legis impossibilitatem impugnantes. Et hoc idem confirmant loca quæ illi contra adducunt. *Nam Christus liberauit nos de maledictione legis quia fecit vt mandatum implemus; & Nulla damnatio est his qui sunt in Christo*, non quia non imputatur præuaticatio, sed quia ij non secundùm carnem ambulant; & quia per gratiam Dei sit, vt iustificatio legis impleatur in ipsis, vt ibidem subiungit Apostolus. Quid hoc ad iustos qui interdum labuntur? An verum est iis præuaticationem non imputari? Imò id ipsum est quod refellit Bellarminus. Non ergo de aliâ possibilitate legis agit quàm de illâ per quam ita impleri possit, vt re ipsâ impleatur.

VI.

Secundò, inquit Bellarminus, probatur ex testimoniis quæ docent mandata seruari ab his qui diligunt, &c. At cerè debemus & possumus diligere Deum & proximum, alioqui non possumus esse Christi discipuli, &c. nec possemus unquam amici Christi fieri, si non possemus diligere, &c.

Post allatam verò Caluini & Kemnitij responzionem; eum scilicet qui diligit, legem implere; sed neminem esse qui diligit sicut oportet vt præcepto diuino satisfiat: Respondet, dilectionem quidem imperfectam esse quia potest crescere, posse tamen esse tam perfectam vt præcepto diuino satisfiat. Nam in primis, inquit, non possumus esse Christi discipuli & amici, nisi hoc præceptum dilectionis impleamus. Valde autem absurdum est neminem esse posse Christi discipulum vel amicum. Nota neminem. Hinc enim perspicuè patet eam esse autorem Bellarmino circa præceptorum impossibilitatem hæreticorum sententiam à Synodo Tridentinâ damnatam, per quam statuatur neminem esse in hac vitâ, qui etiam per auxilium Dei & spiritum gratiæ & charitatis in iustificatione infusum, legem implere possit. Quid verò hic error impius cum SS. Patrum doctrinâ de Petro vel aliquo alio iusto à Deo ad tempus nonnunquam sibi ipsi relicto, communi non habere potest?

VII.

Tertiò probatur, inquit idem, ex testimoniis quæ docent aliquos seruasse mandata ac præcipuè de dilectione ex toto corde & non concupiscendo, &c. Et post plurima Sanctorum exempla commemorata. Habemus igitur, inquit, multos seruasse legem Dei; ex quo euidenter sequitur; vt non sit impossibilis.

Quid hoc argumento infirmius, imò insulsius, si probandum suscepisset, vt volunt aduersarij, neminem unquam iustum esse cui præcepti implendi per sufficientem gratiam plena semper & expedita fa-

mine docto, sed vel puero, qui aliquem rationis usum habeat, indignissimum? Abraham, Moses, Samuel, Helias, Helisæus, Isaias, alij Prophetæ, Apostoli, & inter ceteros Paulus legem Dei seruauerunt, ergo nemini vnquam iusto in quacumque tentatione gratia actualis & interior deest, per quam proximè & expedirè legem Dei possit implere. Quis ita desipiat, vt hoc sapiat? Argumentari istud est an nugari? Quis verò Bellarminum pro Ecclesiâ catholicâ aduersus hæreticos præstantem tam inepto sophismate usum existimet? Contra verò statue, quod res est, Bellarminum Lutheranorum hæresim de præceptorum impossibilitate à Concilio Tridentino damnatam in eo reposuissè, uti re verâ in eo posita fuit, quòd neminem quantumuis iustum & diuinæ gratiæ præsidio fultum esse dicerent, qui Dei legem seruare posset; Inuictè! prorsus hanc hæresim hoc argumento confodit: Abraham, Moyses, Samuel, &c. legem Dei seruauerunt, falsum igitur est eam ita esse impossibilem, vt nemo iustorum sit qui eam seruare possit.

VIII.

Verùm quod addit, manifestiùs adhuc ostendit ita Bellarminum separatis capitibus agere de impossibilitate legis ab Heterodoxis assertâ & à Tridentino damnatâ, & de errore illo quo existimant omnia iustorum opera verè esse peccata, vt tamen illa duo tanquam inter se omnino connexa considerari voluerit, & quorum vnum propter alterum ab hæreticis asseratur: *Neque, inquit, ad hoc argumentum (ex iustorum qui legem seruauerunt exemplo repetitum) applicari potest communis Lutheranorum solutio quòd SS. Patres mandata seruasse dicantur, non propter inchoatam obedientiam, tum propter non imputationem Dei. Non enim dici potest absolue implere mandatum, sed potius absolue præuicari, qui tam imperfectè illud seruat ut peccet mortaliter, & dignus sit propter illud opus odio & irâ Dei & supplicio sempiterno. Scriptura autem dicit illos absolue seruasse, imò etiam toto corde seruasse, &c.*

Vides vt Bellarminus diuinæ legis impossibilitatem, quam Lutherani & Caluinistæ asseruerunt, & quam Tridentina Synodus damnauit, semper in eo reponat, quòd nemo iustorum dici possit absolue implere mandatum, cum omnium sanctissimi tam imperfectè illud seruent vt peccent mortaliter, & digni sint etiam propter illa opera, quibus legem diuinam seruare videntur, odio & irâ Dei & supplicio sempiterno.

IX.

Verissimum igitur est quod in priori Apologetico à me scripto, falsitatis & mendacij, velut suscepto ab ipsis consilio parum commodum, inquisitores arguerunt: *Certum esse scilicet, etiam teste Cardinali Bellarmino, non aliud Tridentino de præceptorum impossibilitate anathemate percussam, quàm quod hæretici asseriebant nunquam iustis eam adesse gratiam, qua præcepta diuina implere possent; sed quic-*

quid agerent illi sanctius, id pro peccato vel lethali, vel cerè veniali habendum esse: quod erat demonstrandum.

Ex quo vterius duo maximi momenti consecutaria sunt: Primum est, authore Bellarmino, quem qui sequatur, hæreticum opinor non dicent esse aduersarij, Tridentinum canonem de impossibilitate præceptorum ad præsentem controuersiam minimè pertinere.

Alterum est: Cùm Innocentius X. præceptorum impossibilitatem, quam in primâ propositione vt hæreticam & impiam proscripsit, iam anathemate damnatam esse, à Synodo nempe Tridentinâ, declarauerit, in Pontificiam Constitutionem non offendere, nisi qui damnatam propositionem tueatur, quocumque id prætextu faciat, vel aliis verbis eam præceptorum impossibilitatem adstruat, quam autore Bellarmino Tridentina Synodus profligauit. Eam vero à præsentī controuersia omnino esse alienam, liquidò nisi fallor & euidenter ostendi.

X.

Neque verò tantam lucem obscurare possunt quæ contra Inquisitores objecere. Negant primò quæ Synodus de præceptorum impossibilitate damnauit, ad eum errorem pertinere quem Heterodoxi hoc demum posteriori seculo induxerunt de omnibus iustorum operibus peccato infectis, cùm illam de præcepto impossibilitate hæresim dicat Synodus à Patribus esse damnatam. Non autem illam damnassent Patres antequam esset.

Sed quis non perspicit quàm inane sit istud argumentum? Errorem enim de præceptorum impossibilitate Patres damnauerunt, non quia ulli reuerà essent hæretici qui illum tuerentur, sed quia Pelagiani Catholicis illum affingebant: quam calumniam vt SS. Patres à se amouerent, meritò errorem illum anathemate damnauerunt, docueruntque possibilia esse mandata, quia certum est nos ea seruare si volumus: et si tunc solùm tantum velimus, quantum sufficit vt volendo faciamus (vt inquit Aug. ad hanc ipsam Pelagianorum criminationem respondens lib. de Grat. & lib. arb. cap. 16.) cùm ille facit vt faciamus, præbendo vires efficacissimas voluntati, qui dixit Faciam vt in iniquificationibus meis ambuletis, & iudicia mea obseruetis & faciatis. Quod cùm Lutherani & Caluinistæ negare ausi essent, & hanc Christi gratiæ iniuriam facere non dubitarent, vt ne quidem eius ope ab ullo iustolex Dei seruari posset, meritò Concilium Tridentinum aduersus illorum hæresim ea profert SS. Patrum testimonia, quibus illi ad Pelagianorum calumniam refundendam pridem sanxerant, præcepta Dei non esse

August. de
Gra. & lib.
Arb. c. 16.

Ib. cap. 15.

At quæro ab eis ubi didicerint verba illa Concilij, quæ afferunt, ad præceptorum possibilitatem adstruendam referri, quo nihil à veritate magis alienum. Multa namque in hoc c. 11. sess. 6. Concilium docet. Primum enim de præceptorum possibilitate agit aduersus Lutheranos & Caluinistas, & ita quidem ut eam semper stabilit & confirmet quæ cum effectu conjuncta sit, & quæ ad iustos tum demum pertineat, cum piè viuentes à viâ mandatorum non declinant. En verba Concilij omnibus suâ luce perspicua, nisi alienâ interpretatione obscurerentur: *Nemo autem quantumvis iustificatus liberum se esse ab observatione mandatorum putare debet* (quod hæretici contendebant, hoc prauo sensu intelligentes quod à Paulo dictum est *Christum nos liberaffe de maledictio legis*, eò quod ut falsò existimant importabilis esset, & ei obseruandæ nullis vnquam par fuisset aut esse posset.) *Nemo temerariâ illa & à Patribus sub anathemate prohibitiâ voce vti, Dei præcepta homini iustificato ad obseruandum esse impossibilia, Nam Deus impossibilis non iubet, sed iubendo monet & facere quod possis & petere quod non possis, & adiuuat ut possis, cuius mandata gratia non sunt, cuius iugum suauis est & onus leue. Qui enim sunt filij Dei, Christum diligant, qui autem diligunt eum, ut ipsemet testatur, seruant sermones eius: quod vniue cum diuino auxilio prestare possunt.*

Hactenus Concilium de præceptorum impossibilitate aduersus Heterodoxos, qui impio errore ita impossibilia esse præcepta Dei iactauerant, ut à nemine etiam per Dei gratiam seruari possent, adeoque iustificatos ab eorum obseruatione penderet, saluari numquam possent. Quos Concilium iis rationibus & scripturæ testimoniis redarguit, quæ ut iam ex Bellarmino vidimus, non eos iustos spectent, qui præcepta diuina transgressi à iustitiâ excidunt, sed eos qui gratiâ adiuuante diuinâ ea respiciunt, cum in eis Deus per singularem suam misericordiam facit, *primò quidem ut in facilibus agant quod possunt* : deinde *ut in difficilibus petant quod nondum possunt*; tantam scilicet ab illo *voluntatem implorantes, quantum sufficit ad implenda mandata*; denique ut inspiratâ sibi per eandem gratiam *magna illa & robusta voluntate, diuina mandata implere possint cum plenè perfectèque voluerint*. Ij sunt quibus præcepta diuina gratia non sunt; quia *diligenti dilectionis mandatum grane esse non potest*, ut præclare docet Augustinus. Quibus iugum Christi suauis est & onus leue, *quia Charitati Christi sarcina leuis est* : Qui denique Christum diligentes Christi sermones seruant. *Quod vniue, inquit Concilium, cum diuino auxilio prestare possunt*, contra quam hæretici impiè contendebant, neminem esse arbitrari quantumvis iustum, qui etiam cum diuino auxilio Christum diligere sicut oportet ut legi diuinæ satisfiat, & eius mandata seruire possit.

Hactenus igitur, ut iam dixi, pestilentem illam Lutheranorum & Caluinistarum de præceptorum impossibilitate hæresim Synodus Tridentina prostrauit. In iis vero quæ sequuntur, explico tantum synodus quo pacto à iustis præcepta seruentur. Fatetur enim non ita perfectè ab

August. de
nat. & gr.
c. 69.
De Grat. &
lib. Arb. c.
15. & 16.
De Nat. &
Grat. c. 69.
Ibidem.

illis ea seruari, quin bonis illorum operibus peccata venialia admisceantur, sed quæ talia non sunt, vt propterea desinant esse iusti, quo referenda sunt quæ inquisitores attulere tamquam pro adstruendâ præceptorum possibilitate dicta, quod à vero alienissimum est. *Deus namque sui gratiâ semel iustificatos non deserit, nisi ab eis prius deseratur.* Sensus enim est ex grauissimorum Theologorum sententiâ, præsertim de scholâ D. Thomæ, *Deum suâ gratiâ semel iustificatos non deserere, iustitiam habitualem per quam iusti sunt ab eis subrahendo, nisi ab eis prius deseratur* per mortale peccatum. Ita locum hunc Concilij explicant ^a Medina, ^b Estius, ^c Aluares, ^d Nugno, ^e Nazarius, ^f Ledesma, ^g Syluius, & alij passim quos nemo sanus propter hanc explicationem sine ingenti temeritate hæreseos aut erroris insimulare ausit.

Et certè ad gratiam sufficientem quæ omnibus semper detur hæc Concilij verba torqueri non posse vel hinc manifestè patet, quòd talis illà sit quæ neminem deserat, neque vñquam non præsto sit quantumvis homo per peccata etiam atrociora Deum deseruerit. Quare si de illâ stabilendâ Synodus cogitasset, à quo longi abfuit, minimè dicere debuisset. *Deum suâ gratiâ semel iustificatos non deserere nisi ab eis prius deseratur;* sed contra potius Deum suâ illâ gratiâ sufficienti semel iustificatos; (imò vel facinorosissimos) numquam deserere quantumvis ille ab eis deseratur. Depulsis ergo leuissimis illis Inquisitorum objectionibus, nulli iam dubium esse potest, quin Lutheranorum & Caluinistarum error de præceptorum impossibilitate à Tridentinâ Synodo anathemate damnatus, is sit quem Cardinalis Bellarminus his verbis explicat, *non posse iustum legem diuinam sua implere, vt in eo opere peccatum nullum admittat.* Adeoque Tridentina eâ de re sanctiones contra Concilij mentem & scopum eo detorqueri non posse, vt quod iidem Tridentini Patres affirmant scilicet. 6. c. 12. *Iustum in acceptâ iustitiâ perseuerare non posse sine auxilio speciali*, ac proinde non omnibus iustis communi, quod in eadem scilicet. c. 13. *magnum perseuerantia munus* appellant, non inter sanctissima fidei dogmata vti est, sed inter pestilentissimas hæreses recenseatur.

XI.

Ex his omnibus, ni fallor, abundè patet, quantum à Concilij Tridentini mente exerceat, qui propositionem non meam sed SS. Patrum, illius sacræ Synodi definitionibus aduersari sibi falsò persuasere. Vnum tamen hic addere visum est, eiusdem Illustrissimi Cardinalis locum, quo inuictissimè demonstratur, vnicum aduersariorum fundamentum quo ex male intellectis Concilij Tridentini Decretis, in cha-

^a Sciendum est quod quando dicunt SS. Patres & approbant sacra Concilia, Deum suâ gratiâ semel iustificatum non deserere, nisi prius ab eo deseratur, explanatio est de gratiâ iustificante. Numquam enim gratiâ iustificante aufert ab homine, nisi propter peccatum mortale. *Medina in 2. q. 109. a. 10. in 11. ad 3. ibid. contra 4.*

^b Propos.

^c Nec tamen si iusti derelinquantur à Deo vt sit in omnibus qui non perseuerant, idem falsum erit quod dicunt Patres Concilij, Deum suâ gratiâ semel iustificatos non deserere, nisi ab eis prius deseratur: hoc enim dictum est de gratiâ iustificante, vt ex ipsius verbis patet: atque hunc sensum habet, numquam Deus gratiâ iustificante aufert ab homine, neque amicitia renoueat, nisi propter peccatum eius mortale, nam mortale peccatum est quod gratiam expellit: & amicitiam dissolvit. *Estius in 2. disp. 26. §. 43. ad 5. c. Aluares de Auxiliis lib. 11. disp. 10. et 11.*

Bellarmino. de
 Grat. & lib.
 arb. lib. 6.
 c. 15.

Cum enim duo hæc statueret, Primum, *Gratiam excitantem internam necessario precedere debere hominis conversionem siue ab infidelitate ad fidem; siue à peccato ad iustitiam*; Alterum, *Auxilium Dei necessarium ad conversionem, non adesse peccatoribus omnibus momentis, sed certis temporibus*; hanc sibi ipsi objectionem proponit.

Obijciunt aliqui, si semper requiritur excitatio præueniens; non igitur in potestate hominis erit conversio: non enim excitatio illa est in hominis potestate. Respondeo conversionem semper esse in potestate liberi arbitrii, quoniam potest semper conueri quando voluerit. Idem dicitur esse in potestate, quod ut August. definit lib. de spiritu & littera cap. 31. & lib. 5. de Ciuit. Dei cap. 10. quod adest quando volumus, & quando nolumus non adest. Quo sensu admittit August. ibid. fidem esse in potestate liberi arbitrii; quia credit homo si vult, & si vult non credit. Caterum ipsum velle credere, aut conueri, non potest homo habere nisi per gratiam præuenientem acceperit ut possit. Neque est in potestate hominis ut Deus illum vocet atque excitet. Alioquin non diceret Apostolus 2. ad Timoth. 2. Ne quando det eis Deus penitentiam, & conuertantur à diaboli laqueis.

Hic vnicus Bellarmini locus funditus euerit quicquid ab aduersariis meis hactenus allatum est, quo probarent propositionem meam merito se hæreseos incusare. Hæc enim solâ argumentatione vtuntur.

A Concilio definitum est præcepta Dei semper iustis esse possibilia.

At si deest interdum alicui iusto gratia sine qua præceptum seruare non potest, non erit ei tunc præceptum illud impossibile.

Ergo sine hæresi dici non potest deesse interdum alicui iusto, gratiam sine qua præceptum aliquod seruare non potest.

Quam falsa sit autem hæc illatio, iam cuius, ut opinor, perspicuum est.

Primum enim; etsi duæ primæ propositiones veræ essent, non tamen interim concludi posset, *hæreticum esse* quod inde conficitur; cum ea quæ per viam argumentationis ex ecclesiæ definitionibus eliciuntur, errores ad summum esse, non hæreses, Theologi vulgo doceant.

Deinde propositionem huius argumenti falsâ Concilij Tridentini interpretatione niti; supra liquidò demonstratum est; etsi alias negari non debeat præcepta Dei semper iustis esse possibilia.

Denique assumptionem, ex quâ pendet conclusionis veritas, omnino falsam esse, egregia illa & plane Augustiniana quam supra attulimus Bellarmini doctrina euidenter ostendit.

Si enim sufficit peccatori ut ipsius conuersio semper in eius potestate esse dicatur, quod potest semper conueri quando voluerit, quia ex Augustino id dicitur esse in potestate quod adest quando volumus, & quando nolumus non adest; multò magis sufficiet iusto ut mandata Dei ei possibilia esse dicantur, quòd ea obseruat quando vult, non obseruat quando non vult.

Atqui, ex Bellarmino, id sufficit peccatori ut eius conuersio semper in eius potestate esse dicatur; etsi ipsum velle conuertere non possit homo habere nisi per gratiam præuenientem acceperit ut possit, neque sit in potestate hominis, ut Deus illum vocet atque excitet.

Ergo multo magis id sufficiet iusto, ut verè dicantur mandata Dei semper illi esse possibilia; etsi fieri nequeat, ut ipsum velle ea seruare quantum sufficit ut volendo faciat, in eo sit nisi per gratiam efficacem, quæ non semper omnibus iustis datur.

Dixi multò magis id competere iusto quàm peccatori. Non enim ea tantùm ratione præcepta Dei iusto possibilia sunt, quia potest ea seruare si vult, iuxta doctrinam S. Augustini *de eo quod in potestate nostra esse dicitur*; verùm etiam quia per spiritum gratiæ & charitatis sibi in iustificatione infusum, veram & interiorem habet ad ea seruanda potentiam, & si ex doctrina SS. Patrum & Conciliorum, vterius indigeat eà gratiâ, quæ ad singulos actus datur; siue efficaci illo *Dei interius animam mouentis auxilio*; sine quo, ut expressè ait S. Thomas, mandata seruare, & in accepta iustitia perseverare non potest.

Hinc fit, ut de iusto auxilio efficaci in aliquâ tentatione destituto re-
 Quid dicatur, & potuisse eum illam tentationem superare, & non potuisse; potuit enim quantum ad potentiam illam quam gratia in iustificatione acceptâ cuius iusto suppeditat; non potuit verò quia non habuit ea omnia quibus indigebat ut hæc potentia in actum suum exiret, sicut loquuntur Theologi.

Quæ de re illustrissimus est Cardinalis Caietani locus. *Quemadmodum* Caiet. 15. 1.
 inquit, *stant hæc duo simul: homo habet potentiam visiuam qua potest videre;* 2. qu. 119.
& homo non potest ex solâ illâ visiva potentia videre, quoniam sine extrinseco art. 1.
lumine nunquam hæc potentia exhibet in actum: ita in proposito, quia gratia est
qua homo est potens elicere operationem bonam, & resistere incursionibus ten-
tationum, & continuare in hoc, quod est perseverare; idè homo iustus dona-
tus dicitur dono quo hæc potest; sed quia gratia habitualis non po-
 TEST exercere hos actus simpliciter, quando oportet, ubi oportet, &c. idè
 dicitur quod hæc sola gratia sine speciali auxilio. (quod paulò post non
 omnibus iustis dari disertè affirmat) NON POTEST in hac simpli-
 citer.

Id ipsum verò est quod Concilium Tridentinum sub anathemate sanc-
 ciuit; dum cum iubet esse anathema qui dixerit *Iustificatum sine specia-*
li auxilio Dei in acceptâ iustitiâ perseverare posse. Iustus autem in acceptâ
 iustitiâ tamdiu perseverat, quandiu legem Dei religiosè obseruat.

ticis contumeliosius dici potest: Si non pugnant; desinant mihi obijcere Tridentini Concilij de præceptorum possibilitate doctrinam, quandoquidem cum illâ optimè cohæret quod SS. Patres docent, deesse nonnumquam alicui iusto speciale illud auxilium sine quo in præceptorum Dei obseruatione perseverare non potest.

CONCLUSIO.

His demonstrationibus & argumentis in toto hoc scripto prolatis hisque firmis ni fallor & perspicuis, ab Epistolæ meæ propositione notatâ, omnis quantum existimo erroris, nedum hæreseos labe aut suspicio propulsatur. Ea vero paucis complecti libuit, quo qui me reprehendunt & facilius ea caperent, & me licubi eis exerrare videor, in viam Christianâ mente & charitate reducerent. Ego id pressius & præcisius scribendi genus tum vñtato Theologorum mori aptius, tum ipsorum etiam studio & affectui congruentius fore putaui. Sanctorum enim Patrum autoritates non magni à se fieri, cum eas in priori meo scripto expendendo intactas preterierint, satis ipsi sua sponte professi sunt. Nec verò à re ipsâ de quâ agitur, quàmuis ipsi extraneis eam questionibus inuoluere & alio digredi tentauerint, auelli me vnquam ac distrahi passus sum. Malè enim SS. Patrum quorum doctrinam in Epistolâ meâ proposui, honori consulerem, si ipsorum propositionis defensione omisâ ad aliena diuerterem. Non enim iam agitur de iis quæ reprehensores mei sentire me prædicant; agitur de eo quod in Epistolâ meâ senserim, & à Patribus haustum exscripserim. Id ante omnia disceptetur, id dijudicetur necesse est. Si quid in sensibus meis habent quod præterea reprehendant, altera disceptatio est, alterum iudicium. Quod si ipsis equâl lege, voce & scripto rationes vicissim confetre coram & congregari placeat, doctrinam me meam contra illorum reprehensiones Deo iuvante facili cuius me probaturum esse confido.

Siquid tamen ad explanandam mentem meam, & pacem in facultate nostrâ conciliandam à me præterea desideretur, id ego & præstare diligenter, & studiosè amplecti paratus sum. Neque enim ego in hanc concertationem meâ sponte prodij, sed assiduis hominum, alios ex aliis in me libellos edentium clamoribus eò compulsus sum, ut quod voluntate fugiebam, necessitate susciperem. Sicut enim illi postquam in animum induxi scribere, scriptionem meam; ita & antea cum scire cōstituissem silentium meum in invidiam, & occultæ perfidie suspicionem adducere conati sunt. Ut ergo à principio ab omni penitus contentionis studio abhorruim; ita & nunc dissidiis præcidendis quantum in me erit omni operâ inserviam. Veritas enim est amica pacis, sed eius pacis quæ sit amica non inimica veritatis. Quare salua & incolumi, summorum Pontificum, Conciliorum SS. Patrum ac præcipuè B. Augustini & B. Thomæ de Gratiâ Christi doctrinâ, quicquid ad sanciendam pacem ex aquo & vero propositum fuerit, libenter amplectar. Quod si in SS. Patrum

Patrum testimoniis vel citandis vel explanandis aliquid fortasse à me humano errore peccatum esset, & emendare paratus essem; & cum qui me à lapsu reuocaret, præclare de me meritum ducerem. Si autem in locis illis quæ ad sententiæ in Epistolâ meâ notatæ defensionem è cœlestibus illis ac diuinis Ecclesiæ magistris, exprompsi, nihil est quo fides vel interpretatio mea culpari queat, supplex vos oro atque obtestor SAPIENTISSIMI VIRI, ne exemplo in posterum sanè periculoso quicquam aduersum me grauius statuatur, quod in Epistolâ illâ sacris eorum vestigiis adhærescere studui, quorum discipuli esse debemus, vt aliorum doctores esse possimus.

Sic subscriptum,



ANTONIVS ARNALDVVS,
Doct̃or & Socius Sorbonicus.

Die 17. Januarij
An 5. 1656.

